

دوکشتیاں کو سوار

غنی غیور

DO KASHTIYAN KO SWAR

(Kahaniyan, Hikayatan, Inshaiyan Te Lateefan ko Majmoho)

Ghani Ghayoor

Year of Edition

ISBN : 978-93-93271-47-1


Price : 500/-

نام کتاب :	دوکشتیاں کو سوار
مصنف :	عبد الغنی جاگل (غنی غیور)
سناشاعت :	۱۵ اگسٹ ۲۰۲۳ء
تعداد :	500
قیمت :	500/-
کمپیوٹر سنتر جموں :	فوزیہ کمپیوٹر سنتر جموں 9906063200
پبلشر :	

پشت

Top Hill, Near Green Valley Colony
Upper Jallalabad Sunjwan, Jammu
Pin Code 181152
Mobile No. +91-9419791802 | 7889837758

انساب



اپنے دوست

چودھری ممتاز احمد ہکلہ کے نام

دوكشتياں کا سوار نال دو گل

دوكشتياں ور سوار ہو کے کوئے وی منزل تک نہیں پہنچیو۔ دوكشتياں تیں
میری مراد: جہالت تے علم، وہم تے یقین، نفی تے اثبات، یوقوفی تے
دانائی، اندھیرہ تے روشنی، شمنی تے دوستی، ظلمتے انصاف، جھوٹ تے سچ،
جعل تے اصل، پرانی رسم تے جدید روایت ہے۔

یاد رہے! وقت اپنی چھاتی ماچھان چھان کے کار آمد تے پیکار چیز اس
ناٹھیہ تو آیو ہے۔ لوڑ اس گل کی ہے جے نواں طرز کی کار آمد کشی کو سوار ہی نہیں
بلکہ اسکو مہماں نوبیو جائے۔ صرف خیالی گھوڑا دواڑا ان نال منزل ورنہیں پہنچیو
جا سکتو بلکہ ترقی تے کامیابی کو ہر ستوزندگی کا عملی میدان تیں ہو کے گذرے۔
پرانی تہذیب مارہتاں نو ویں تہذیب نال بھاہ کرو، دوكشتياں ور سوار کو اک
بڑا مسئلہ ہے۔

غنى غبور

اِمُونَخ

ایک جنائ نے اپنو گھوڑو پر انا ٹانگا کے اگے پُٹھو بدھیو۔ (اگاڑی پچھاڑی کی جگہ)

کسے نے پچھیو یوہ کے کیو؟

جئنوں کہن لگو: اس کا پاس بدل گیا ہیں۔ (سر پچھے تے پوچھڑا گے ہو گیو)
یاہ گل لو کاں ما مشہور ہو گئی۔ لوک بے یقینی ما آن دیکھن لگ پتیا۔ جنائ
نے گھوڑا تے ٹانگا کے اپر اک چھپر بنا چھوڑ یو۔

لوک ایک پاسوں چھپر مابڑیں تے گھوڑا نادیکھ کے دو جے پاسوں
باہر جائیں، ورش مردمی ڈوا کسے ناپناں بیوقوف بنن کی گل نہ دیں۔
جس ویلے لوک متا آن لگ پتیا اس جنائ نے گھوڑو دیکھن کی مونخ
رکھ لی۔

اس را چھپر کھجھ دنال بعد پکو چھوڑ تو تے کھوڑو سیل پتھر ہو گیو۔

۲۔ دوکشیاں کو مسافر

بہتیرا لوک اتنا وی میں جھڑا اک کم ماہنگ باویں تے تھوڑی تنگی
دیکھتا ہی دو جو کم شروع کر لیں۔ فرد و جا کم کی اوکھت دیکھیں تے اس نا
اڈیٹھو چھوڑ، فر پہلا درمڑ پیں۔ اتنی چر دو جا کم کو ویلوی ہتھوں جاتورہ تجھے
کوئے وی کم مکمل نہیں ہوتا۔ اسے را کا اک جناں نے کسے کا گند اچوری کر لیا
تھا۔ گل پچھری تک پہنچی۔

گراں کا جرگہ نے فیصلو کیو: اس کے سوچھتر مارو۔
وہ کہن لگو: مناں معاف کرو یا کوئے بدل سزادیو۔
مزاقی چوہدری نے کہیو: اچھا فر انہاں ہی چوری آلاں گندال و چوں سو
گند اکھا۔

جناں نے دو ترے گند اکھا بدرا، اکھاں و چوں اتھروں بگتاں کہن
لگو: نہیں نہیں ہوں چھتر کھاؤں گا۔
دو ترے چھتر کھاداتے اپنی بے عربی سمجھتاں فر کہن لگو: نہیں نہیں ہوں
گند اکھاؤں گو۔ اسے را کرتاں کرتاں سوچھتر پورا ہو گیا تے نالے ہی سو گند ا
وی کھا گیو۔

۳۔ چھپ کیل

کسے سرب نیلا تلاما۔۔۔ اس پاس چھل چھل کر تو پانی بگے تھوا۔۔۔
آجڑی اپنا مانجھی ناخواب بکھانے تھو:۔۔۔
یراں ج میں خواب ماجنت دیکھی۔۔۔

اسے دوران ما کسے پاؤں اک ڈنگراں آلو جنو وی آنکلیو۔۔۔ وہ بھی
آجڑی کی گل سنن لگ پیو۔۔۔

مانجھی نے آجڑی نا پچھیو۔۔۔ اورے جنت کس رائی تھی؟
آجڑی کہن لگو کے دسوں بھاتیا؟ آخاخا۔۔۔

جنت کو دھیان کرتاں ہی اسکی لیل ڈھلمن لگ پئیں تے بولیو:

سرب نیلا تلا، وچ چھل چھل کر تو پانی، سونھی سونھی جنانیں تے ارار پار
لاڑاں مابھیڈاں بکریاں کی ترندی وی پھریں۔۔۔

اس جناں نے پچھیو اس جنت ما ہور کون کون لوک تھا۔۔۔

آجڑی نے کہیو: بس مہاری ہی برادری کا بکریاں آلا تھا۔۔۔
مانجھی نے دھرا کے پچھیو ہور کوتے وی تے وے گو آخر؟

آجڑی نے کہیو: ہاں تھا نال! ٹاؤں ٹاؤں مہیساں آلا وی۔
 جناں نے ساس مار کے پچھیو یرا اُت کوئے مہارو ڈنگراں آلو وی تکیو
 تیں؟

آجڑی لا قطاعِ ملکر گیو کہن لگو:
 اُت ڈنگراں آلاں کو کم! واد جنت ہے کوئی کچھ کیل تھوڑی ہے۔

۳۔ میرے ہوتاں تو نہ رینگنے!

چھان جُشُو، کٹھار پیٹ، بڑا کھر تے نکو جی ہو منہ، عالمِ مثال ما مہیں اپنی
 بے ڈولِ شکل تے بے ترا متاجٹھا نادیکھ کے ڈرگی۔ تے ایور زگٹ شروع
 کیو بے فرشتہ، خدائی منشی جبڑا قسمت لکھن ماجھیا وی تھا اپنوم ای بھل گیا۔ رب
 کائنات جانی جان ہے، اس نے فوٹ مہیں نال زبان دتی۔ اس نے رب
 کائنات اگے سوال کیو؟

سرب نیلام تلا گھوڑاں تے بھیداں نے جنہاں کا دندو پاسے ویں،
 پہلاں ہی چرچر کے لال کر چھوڑ یا ہیں۔ رب کائنات ہوں اس نکا چیہا منہ
 تے ہرگز ادنداں نال اتو بڑو پیٹ کس را بھروں گی؟

رب کائنات نے لاد پیار نال کہیو: لا تَقْنَطُو، أَغْمِضْ عَيْنَيْكِ یعنی

نا اميد مت ہو، اپنی اکھ بند کر۔

مہمیں نے اپنی اکھ بند کیں تے صوفیاں کی طرح تصور ماؤب گئی۔ اس نے بُناں دھرتی و ریکیو: اک جھوں، جس نے تسبیحی کڑخ کے جنواں ور چاڑھی وی تے پر سے دچ دچ کرے تھو، اس نے موہنڈاں و رگھاں کی بڑی ترنگڑی چائی وی کہتو آوے تھو: صدقے جاؤں، میرے ہوتاں تو نہ رینگتے!

۵۔ ترے مورتیں

اک بادشاہ نے ترے آدمیاں کی اک طرح کی مورتیں بنائیں۔ جہڑو دیکھن آوے تھواس کولوں ان مافرق پیچھے تھو۔
و روئے ان مافرق نہیں دس سکیو؟

آخر اک سیانو آیو اس نے وے مورتیں غور نال دیکھیں، ہر مورتی کا اک ہی بکھی کا کن ماسورا خ تھو۔ وہ سمجھ گیوان سورا غاں ما کوئے راز ہے۔ اس نے باری باری ہر مورتی کا کن ما اک پتلی تار بائی، ایک مورت ماتے واہ دو جا کن تیں جانکلی، دو جی ماواہ منہ تیں جانکلی تے تجھی ما کدے تیں نہیں نکلی۔ اس نے انہاں تریاں آدمیاں کی تقسیم اس را کی:

پہلو بندو اک کن نال گل سُنے تے دوا و چوں باہر کلہ چھوڑے، مج

ہو چھوڑے۔

دو جواک کن نال گل سنے تے اس نا سکمی لوکاں ناشنا چھوڑے۔ مجھ خطرناک آدمی ہے۔ تیسرے بندو ہر ایکن کی گل سنے مگر کسے کورا زکسے ناہیں دستو۔ سیانو آدمی ہے۔

۶۔ ہن خیر نہیں میری

اک ترکھان جنگل ما گیو تے سوالی ہو یو: مناں خدا کے نال دو ترے
ہتھی لکڑی دے چھوڑ۔

جنگل کا بڑا ترکھان نے صلاح کر کے کہیو: دو ترے ہتھی لکڑی دین نال
ہمنا کے فرق پے۔ اک بڑا لکھنے کہیو: جھڑی ڈاہلی پسند آوے لے جاتے
اپنی ضرورت ٹپا۔

ترکھان نے چُن کے ڈاہلی لی تے کواڑی نادستو لاتانا دیکھ کے رُنو
تے جنگل نے کہیو: او ہومیرا تن کو ٹوٹو شمن نال جامیو، ہن خیر نہیں میری۔

کے نمبر درای

اک دن گیدڑ چھچھ چالے گیو۔ جا دو جا گیدڑاں نا دیسو کہن لگا: یوہ کے

ہے؟ کچھ گیدڑ کہن لਾ: اس نا کے کراں؟ آخر گیدڑ اں نے صلاح کی تے پچھ
نمبر دار کا پوچھڑ نال بدھ چھوڑ یو۔ فر کے تھو نمبر دار جنگا جاتے تھو پتو گ جائے
تھو، نمبر دار ہے۔ اک دن نمبر دار سمیت گیدڑ شکار کرن گیا تے وے سارا
ختاں نے لٹ لیا۔ نتاں میں پچھ جنڈاں ما پھس گیو۔

باقی کا گیدڑ اں نے کہیو: نمبر دار جی نسو۔

بیچارو جنڈاں ما پھسیو وی کہن لگو: ہوں تے نسو، نمبر درای نہیں نس
دیتی۔

۸۔ گھوڑاں کی راہی

اک شاہ یعنی کھتری نے گھر نال گھوڑاں کی راہی کرن لایو۔

راہی کی پہلی رات پہلے پھر شاہ نے گھرنا پچھیو: چوہدری کے سوچے لگو؟
گھر نے کہیو: شاہ جی سوچوں لگو بے کلوٹھوکیں تے مٹی کھتیاں جاتے؟
شاہ نے سوچیو چلو یو جا گے لگو تے شاہ سو گیو۔

ادھی رات شاہ جا گیو تے اس نے آواز ماری، چوہدری کے سوچے لگو؟
گھر نے کہیو: شاہ جی ہوں سوچوں بھے یہ چمکتا تارا دیرہاڑی کنگا چلا
جائیں؟

شاہ نے سوچیو، چلو جا گے لگو۔

سرگی و میلے شاہ ناجاگ لگتے نے آواز ماری، چوہدری کے سوچے
لگو؟

گجرنے کہیو: شاہ جی تھارا گھوڑا ناتے چور لے گیو، سوچوں لگو بھے تمنا
کے جواب دیوں گو؟

شاہ نے کہیو: شاورے چوہدری! تین چنگی را کھی کی۔

۹۔ بے فائد و بھار

اک بدوانے چھٹ ماک پاسے اناج تے دوئے پاس ریت لدھی
وی جائے تھوا یک فقیر نے جھڑ و اس کے پچھے پچھے ٹرے تھو، پگھیو: چھٹ کا
ان دو پلاما کے لدھیو وی ہے؟
بد و ایکن ماریت تے دواما اناج۔

فقیر: ریت نا کے کرے گو؟

بدو: کجھ نہیں، بس آرنہ پے جاتے۔

فقیر: الیسو کیوں نہیں کرتا یہ اناج او حوا آدھ کر کے چھٹ کا دوال پلاں ما
لدھ لے، اونٹ نا سہولت جاتے گی۔ ایتوں کیوں بھار لدھیو وی ہے؟

بدو: تو بہت سیاں ہے۔ تے اس کی گل من لی تے اناج ادھو
ادھو کر کے دوال پلآل مالدھ لیو۔

بدو: اونٹ ورنیں جا۔

فقیر اونٹ ورنیں گیو تے دوئے گل کرن لگا۔

بدھو: ہور ترے کول کے کجھ جاندا ہے؟

فقیر، روتاں ما کھن لگو: میرے کول کجھ وی نہیں، نہ اہل عیال نہ برادی،
نہ مال دولت نہ گھر بار۔

اونٹ نے منہ کھو لیو تے بدوانا کھن لگو: اس تین میرا اور ریت ہی لدی
وی چنگی تھی۔

بدو نے بہلاں بہلاں فقیر ناکھیو: اونٹ وروں نن لو۔ بے فائد و بھار۔

۱۰۔ ایک عقلمند، دو یوق فال و ربحار و وے

اک دن ایک آدمی دھپ ماستو وی تھو۔ اس ور ترے کیڑیں چڑھ
گئیں تے نک ور آن ملیں۔ اک کیڑی نے دوجی ناکھیو۔ اج ہم جس پیاڑ
و رچڑھی ہاں ہے تے یوہ پلپلو ہے مگر اس جگہ کھان جو گوکجھ نہیں لبھو دوجی

نے کہیو: چلو اسے جگہ ناکھنوت کے دیکھاں۔ تجی کیڑی سیانی تھی کہن لگی: مناں لگے یاہ کائے بڑا جسم آلی زندہ مخلوق ہے، مناں ہلتی جلتی محوس ہووے لگی۔ سُنگنو! چلو اتوں نس چلاں ات خترو ہی خترو ہے۔ یوقوف کیڑیں اس کیں گل کو مذاق اڈاں لگیں۔ سیانی کیڑی بہلی بہلی اتوں پاسے ہو گئی۔ کیڑیاں کا کھنوت ان نال آدمی نا نک ورکھر کلگی تے نیند ماہی اس نے اپنونک کھر کیو۔ پہلا ہی گھساٹا ما دوئے کیڑیں پیسے گئیں۔ ثابت ہو یو جے ایک عقلمند، دو یوقوفاں ور بھارووے۔

۱۱۔ گُتاں کی بارش

اک دن بلیں جمع ہو کے خانقاہ مادعا کرن لگیں: یا اللہ تو رحیم تو مہربان ہے، اج بھکھ نے ہم ناں مج ستایو ہے۔ اسماء و چوں بدل کا تو پاں کے بجائے چوہاں کی بارش برہا۔

اجاں یاہ دعا کریں ہی تھیں جے کسے پاؤں گُتاں کا ترندی کی آواز آئی تے بڑی بیلی نے چھال ماری، باقی آیاں ناکھنیو: تم دعا منگیتیں رہو وَ تے ہوں وضو کر کے آئی۔ باقی بیلیاں نے کہیو: ادھی مہارو وضو وی کھسک گیو ہے۔ ہم وی وضو کرن چلاں گی۔ یاہ کہتا ہی ساری بلیں ہوا کپ گئیں۔ تے

دودور کسے جگہ آڈھیں ڈبھیں جا کٹھی ہوئیں، ایک بیل نے کھبیو:
 اس را لگے جے اج دعا کرتاں ضرور کائے بھل ہو گئی تھی۔ تاں ہی
 تے چواں کے بجائے گتھاں کی باڑش ہو گئی۔

۱۲۔ مال و ردھی

پرانا و قتاں ما میلا لگیں تھا۔ جنہاں ما کئی ریاستاں کارا جاں تیں علاوہ
 لوک وی آئیں تھا۔ یہ میلا، تجارتی تے ثقافتی منڈیں، سال کا مخصوص دناں ور
 ہی گھملیں تھیں۔

اسے را کا اک میلا ما ایک شہزادو دشمن ریاست کاراجہ کی کڑی نال
 کے ملبوچے دوال ناپیار ہو گیو۔ شہزادو کہن لگو: ہوں جتناں لین آؤں گو۔
 شہزادی نے کھبیو: چن کی پندرہ ہویں رات ہوں اپنا محل کی چھت
 دروں تیر و راہ تکوں گی۔

فراک دن شہزادہ نے روپ بدیوتے چانتی ما آپ بھیو۔ شہزادی طویلا
 و چوں اپنی گھوڑی لے کے باہر نکلی تے دوئے اس ور بیس کے نس پیا۔
 اگے ایک دریا مایپتاں ہی گھوڑی بیس گئی۔ شہزادہ نے پچھیو: اس ور کے
 پئی؟

شہزادی نے کہیو: اس گھوڑی کی ماں وی پانی مابیسے تھی تے یاہ وی
ماں ورگئی۔

یاہ سُناں ہی شہزادی ناموڑ کے اس کامل ماچھوڑ گیوتے دل ہی دل
ماشہزادہ نے سوچیو، اک اکھان وی ہے:

اون ورسوت، باپ ورپوت،

دودھ ورگھی، ماں وردھی۔

۱۳۔ بُجھی لومڑی وی فاقہ نہیں مرتی

ایک بُجھی تے مرگل لومڑی جنگل میں پھرے تھی۔ اک درویش نے
سوچیو یاہ اس بیابان ماسک رازنہ رہتی ہووے گی۔ اس نے اپی تھائی بیس
کے بنیڑے لومڑی ورنظر رکھی۔ درویش نے دیکھیو جے کسے پاسوں اک شیر
نے منہ ما جنگلی بکری لئی وی آیو۔ لومڑی کے نیڑے پیٹھو تے مجھو مچھو ماس
کھا کے ڑ گیو۔ نیکھو ماس لومڑی کا کئی دناں واسطے زور تھو۔ درویش نے
کہیو: سبحان اللہ! بُجھی لومڑی وی فاقہ نہیں مرتی۔

۱۴۔ بادشاہ نے بادشاہاں آلوکم کیو

اک جناں کو کھو تو گاراما پھس گیوتے ہوش حواس خطا ہو گیا۔ کدے کھوتا

نال گال کڈے تے کدے ملک کا بادشاہ نا۔ اچن چیت بادشاہ وی اس رستہ
وروں لئنگھے تھو، اس کا ملازمائی نے گال کڈھتاں سن لیو۔ گل بادشاہ تک پہنچی
بادشاہ نے کہیو: یوہ کوئے مصیبت زدہ ہے اس کی مدد کرو، انہاں نے اسکو
کھوکھوتو گارا و چوں کڈیو تے مالک نال کجھ روپیہ وی دیتا۔ بادشاہ چلے گیو
کسے نے کھوتا آلانا کہیو: تیں تے مرن کی کار کی تھی ور بادشاہ تناں انعام
دے گیو۔ کھوتا آلانے کہیو: ہوں تے اپنی مصیبت کو مار یو وی بکواس کروں
تحو و بادشاہ نے بادشاہاں آلوکم کیو۔

۱۵۔ جتناں منہ آٹنیں گل

باپ تے اس کو جاتک کھوتو لے کے جائیں تھا لوکاں نے کہیو: کیسو
زمانو آیو کھوتو خالی تے دوئے باپ پوت پیدل ڑیں۔ تھوڑواں گے جا کے
باپ نے پوت ناکھوتو پکڑایو تے آپ کھوتا ور چڑھ گیو۔ اگلی بستی کا لوکاں نے
کہیو: دیکھو کیسوز مانو آیو، باپ کھوتا ور تے نو جاتک نا پیدل ٹوڑے۔

اگر یڑے جا کے باپ لہہ گیو، جاتک کھوتا ور بسالیو تے اس نے
آپے لگام پکڑلی۔ اگر یڑے گھیا تے لوکاں نے کہیو: دیکھو کیسوز مانو آیو
پوت کھوتا ور تے باپ پیدل ڑے لگو۔

جنوں کھوتا دردیکھ کے بولیو: کوئی ہو طریقو ہے تے توہی دس۔ جتناں
منہ آتیں گل۔

۱۶۔ تیرے نال بیاہ کر کے میں منو تھوڑو ہے؟

اک دن رند و جنو جنگل ما مہمیں چارے تھو۔ کے پاؤ ڈائی آگئی۔
کھلووی سر، ٹیگاں باہیاں ور بڑی بڑی جست، سمجھاتی کھبامونہنڈاں ورتے
کھتی چھاتی سجا مونہنڈاں ورسٹی وی، پٹھا پیر۔ ور تھی زوراں ما۔ کہیں بے
جوانی ما کھوتی وروی حسن ہووے۔

ڈائی نادیکھ کے جناں کو دل ہل پیو۔ دل ہی دل ما سوچن لگو:

کدے یاہ میرے نال بیاہ کر لیتی۔

ڈائی کہن لگی تو کے گھور گھور کے دیکھے لگو؟

جنوں: تو میرے نال بیاہ کر لے۔

فر جناں نے اس ناپناڈ و بلا دیا۔

ڈائی دل ما سوچن لگی: ہوں آئی تے تھی اس کو کا بھوں کڈھن ور
مند یوں پھس گئی۔ پچھلو نڈیں نس لگ پئی۔

جنوں کہن لگو: اوہ نہ جائے کھل ذرا۔ اس جنگل ما بڑا دناں تیں بعد آج

دل خوش ہو یو تھو۔

ڈائی نے پچھاں مڑ کے دیکھیو۔ (دل ما سوچیو کدے مثال پکڑنے لے
یوہ کو یو۔)

جنوں کہن لگو: اوہ میری گل و غور کریے۔

نستی بھجتی ہٹتی اٹھتی ڈائی نے کہیو:

تیرے نال بیاہ کر کے میں منو تھوڑو ہے؟

کے ا۔ پیر کو پرونداو

ایک پیر نے سولڑیاں آلو پرونداو ہتھ ما لیو وی پھر کاوے تھوتے کہے تھو:
اس کی ہر لڑی ما سو سو دھا گو ہے۔ اگے پچھے مرید ہتھ کسے نے پچھیو
حضرت تم نے یوہ سولڑو پرونداو ہتھ ما کیوں پکڑ لیو وی ہے؟ پیر کہن لگو: اس
پروندا مادیں ہزار دھا گا ہیں۔ قیامت آلے دیہاڑ میرو ہر مرید ایک ایک
دھا گانا پکڑ لے گو تے ہوں ان ساراں نالے کے پلاصر اط و روں اڈ تو ٹپ
جاوں گو۔ فراس نے پرونداو بستہ ما گھل چھوڑ یو۔

مریداں نال ٹر تاں ٹر تاں اگے دریا آ گیو۔ اس و را ک کڑی آلی سیم
تھی۔ مریداں نے کہیو: حضرت سیم پتلی ہے ایک ایک کر کے چڑھنو پے گو۔

پیر کہن لگو مناں دریانا دیکھ کے گھر انی چڑے، ہوں سیم و روں ٹھہ جاؤں
کا۔ کوئے عقیدت مند کہن لگو: تم پروند و کلڈو، ہم وی نال پار ہو جاں گا۔

۱۸۔ ہر آدمی ما کوئے گن ہو وے

اک عالم دعا سلام تیں کشی ما آن پیٹھو۔ ہتھ چاکے کشی ور چڑھن کی دعا
پڑھی تے نالے ہی اپنا عالم کا رعب جمان واسطے ہا بھجی نا پچھن لگو: تروز کشی
چلاوے۔ تا کشی ور چڑھن کی دعا آوے۔ ہابخی نے کہبیو: نہیں جناب،
مناں کوئے دعا نہیں آتی۔

عالم نے کہبیو: تو تباہ تے بر باد ہو گیو۔

ہابخی نایا گل مندی لگی۔ فر عالم نے تسبیح کڈی تے من من کرن لگ
گیو۔ اگر یڑے جا کے چکھڑ طفان چلن لگا پیسو تے کشی ڈبن لگی ہے۔ ہابخی نے
کہبیو: جناب تم نا تیرنو آوے؟ عالم کہن لگو: نہیں مناں تیرنو نہیں آ تو۔

ہابخی نے کہبیو: فر تم تے پیچیں ہی تباہ تے بر باد ہو گیا۔ یاہ کہتاں ہی
اُس نے دریا مامچھاں ماری تے تیرن لگ پیو۔ کشی الٹ گئی تے فر من من
کی جگہ بُڑ بُڑ کی آواز آوے تھی۔ اس را عالم ڈب کے مر گیو۔ مطلب یو ہی سمجھ
آے بے ہر آدمی ما کوئے گن ہو وے۔

۱۹۔ گنج آدمی کو درد گنجو ہی سمجھ سکے

عطار کو طوطو مشہور ہے خوشبو آلی دکان ورد بیڑاڑی سوہنی سوہنی گل کرتا رہ تھو۔ عطار کی دکان خوب چلتی تھی۔ اک دن عطار باہر پھرن گیو۔ اک بی۔ دکان در آئی طوطواں نا تک کے ڈریوتے بے تھو ہیوا ڈن لگ پتیو۔ اس کا ترظافت نال مج ساری عطر بھری شیشیں ٹکٹ بھج گئیں۔ شیشیاں کی کمیڈ سُفتیاں ہی بلیں گئیں۔ اتنا مال عطار وی آگیو۔ اس ناصل ما جرا کو پتو نہیں تھو۔ اس نے سوچیو جے طوطا نے شرات نال شیشیں بھنی ہیں۔ اس نے طوطا کا سر کا بال پٹ کے گنجو کر چھوڑیو۔ بے عربتی تے سزا کا صدمہ نال اس کیں گل بند ہو گئیں۔ عطار نے زور حیله کیا اور بے کار۔

اک دن دکان ور اک آدمی آیو تے طوطواں نادیکھ کے بول اٹھیو :
تین وی شیشیں بھنی تھیں تے تیرا مالک نے تو گنجو کر چھوڑیو؟ عطار نے دیکھیو، اک گنجو اس کے سامنے کھلو تھو۔

۲۰۔ لڑکن پھل

کنک کا مہینہ ماہر یو بھر یونلک باند و ہو جائے۔ گھاہ کپے جائیں تے فصل چاۓ جائیں۔ ایسا موسم ما گیدڑ ناشکار ماما وکھت آوے۔ ایک گیدڑ کئی دن

تین بھکھو تھوکھاں واسطے مجھ لبھو کسے ٹھہا کہ ماڈاہلی نال الارکتی دیکھی۔
 بڑی مشکل نال پنجاڑا کے اس کوسکڑ و کتریو، تے سوارخ بناتاں ہی ال مامنہ
 گھل کے بچھاں لگو۔ اجاں گیدڑ کو منہ آں ماہی تھو بے بیل ٹٹ گئی۔
 گیدڑاں سمیت ٹھہا کہ ماڑن لگ پئیو۔ آخر اک پتھر سنگ ٹکرا کے آں پھٹ
 گئی تے اس کوسرا باہر آیو۔ گیدڑ چھٹ اک یہوش رہیو۔ دھڑگھسیٹ کے اپنی
 کھوڑ ما پہجیو۔ تے گیدڑی ناکھیو: ہوں نہیں پچتو ہن، ٹھہا کہ وچوں رڑ
 کے مناں مجھ گھی سٹ لگی ہے۔ جاتاں جاتاں میری ایک وصیت ہے :
 میری نسل وچوں کوئے وی اس لڑکن پھل نانہ کھایو۔

۲۱۔ ہر ماں باپ نا اپنی اولاد یوسف تین وی سوہنی لگے

ایک بادشاہ نازینہ اولاد نہیں تھی پہلاں ہی خاصی گھڑیں تھیں ملکہ امید
 تین تھی۔ اک رات بادشاہ کے گھر فر کڑی پیدا ہوئی۔ بادشاہ نے اپنا خاص
 جشی غلام ناکھیو: اج رات شہر ما جا جھڑ و سب تین سو ہنون پچھ جھیو ہے۔ اس
 نامیرے کو لے لے آ۔ ہوں اس نا اپنو پچھوتے وارث بناؤں گو۔

جشی غلام سارا شہر پھریو تے اک کنو لے کے بادشاہ کو لے پہجیو۔ بادشاہ
 نے اک نظر در جشی در تے دوجی نظر نکار ماری تے ہس گیو: اس شہر ماتنا

سب تیں سوہنے یوہ ہی نکلو جھو ہے۔

غلام نے کہیو کجھ نکا جاتک ہو روئی آج رات جمیا ہیں ور بے پھی گل
پچھیں تے مناں اپنوجاتک ہی سب تیں سوہنے لگے۔ یاہ گل چھ ہے:
ہر ماں باپ ناپنی اولاد یوسف تیں وی سوہنی لگے۔

۲۲۔ بڑاں لوکاں کے پیچھے سر نہیں دینو

اک کاگ کھوتا کے پیچھے پھر تو رہے تھو۔ کسے سیانی چڑی نے
کہیو۔ بھائی کاگاں بڑاں لوکاں کے پیچھے سر نہیں دینو چاہئے کوئے نہ کوئے
زوال آئی جائے۔

کاگ نے چڑی کی گل نہیں منی۔ اک دن وہ کھوتا کا پوچھڑ
پیٹھوں چھپڑ چھنے تھوتے چوہنڈ زور نال نج گئی۔ کھوتا نے پوچھڑ بُناں
د بالیو۔ تے کاغ کی مُندی پھس گئی۔ مج زور لایو ور مُندی نہیں بلکل سکی۔
چڑی نے کہیو: جد مُندی بڑاں لوکاں کا پوچھڑ پیٹھ آجائے اس ویلے تر فنو
نہیں۔

کاگ نے یاہ گل سنی تے بالکل ڈھلو پے گیو۔ فر کھوتا نے وی پوچھڑ
ڈھلو چھوڑ یو اس را اس کی مُندی پھٹی۔ کاگ نے چڑی نا کہیو: تیں بڑا پتہ
کی گل کی ہے، بڑاں لوکاں کے پیچھے سر نہیں دینو۔

۲۳۔ غیب میر واللہ ہی جانے!

اک پیر کہہ دے تھوڑوں غیب کیں خبر جانوں۔ اک دن اسکا مرید کی
چالاک زنانی نے آزمائش کی۔

ڈونگی ڈولی ما دودھ ساگ تے مکھن گھل کے اوپر دورو ٹیں تے
بسم اللہ کر کے روٹی پیرا گے دھری۔ پیر سو چاں ما پے گیو۔ کجھ لوت آؤے تے
روٹی کھاؤں۔ ورزنانی گھڑیوں کے پانی در چلی گئی۔ مردی تے پیر اسے را
پیٹھووی تھو۔ اس نے پچھیو: پیر صاحب، اجاں روٹی نہیں کھاہدی۔

پیر نے کہیو: ہوں لو ترنا اڑیکوں لگو۔

زنانی نے کہیو: حضرت تم تے کہیں تھا ہوں غیب کیں ساریں
خبر جانوں۔ داں والا روٹی چاکے دیکھو۔ پیر نے روٹیں چاکے دیکھیو، ان
کے ہٹھ دودھ ساگ تے مکھن موجود تھو۔

زنانی نے دل ماسوچیو: غیب میر واللہ ہی جانے۔

۲۴۔ ان من جنانی

ایک زنانی ہمیشہ اپنا جناں کی کہی کے الٹ کم کرے تھی۔ اگر وہ کہے
تھو، بیس تے واہاٹھ کھلے تھی۔ اگر وہ کہے تھو واٹھ تے واہ بیس جائے تھی۔

ایک دن ٹھوک ٹڑ پیا۔۔۔ رستا مادر یا پے تھو۔ دریا چڑھتے ویلے جناں نے کہیو : پانی کھاسو ہے۔ ہوں تناں چاہ کے پار چاہڑوں گو۔ واہ کہن لگی : نہیں نہیں ہوں مہمیں کو پوچھڑ پکڑ کے پار چڑھ جاؤں گی۔ یاہ کہہ کے اُس نے مہمیں کو پوچھڑ پکڑ لیوتے دریا مامے گئی۔

جناں نے کہیو : اوہ چھلال ما پوچھڑ نا گھٹ کر کے پکڑ کھینے، زنانی نے اس کی گل سنتاں ہی پوچھڑ چھوڑ دوتے دریا ماز ڈھنگی۔

۲۵_ مانگما ٹوڑا

کہہتیو جاتے کہ اک بُدھی منگیا وی ٹورا اپنی ٹھہاری کا چھت ورڈھپ ما سکا وے تھی۔۔۔

کو لے تیں راہ لنگھتا اونٹ نے اپنی گردن آفرال کر کے کجھ ٹوڑا کھا چھوڑ یا۔۔۔

بُدھی رون تے پُن لگی۔ تے اونٹ آلا نا جھگڑن لگی۔ مناں میرا ٹوڑاں کو حر جانو دے۔ میں یہ ٹوڑا بڑی محنت نال منگ کے جمع کیا تھا۔ مالک ناپتو گوجے اس کو اونٹ نے مانگما ٹوڑا کھا گیو ہے۔ وہ بھی ڈانک مارن لگ پئیو۔۔۔ اس نے بُدھی کولوں اونٹ کی قیمت منگنی شروع کر لی۔ دواں نا جھگڑتاں تے رو تادیکھ کے لوک اکٹھا ہو گیا۔ ایک سیانا جناں نے اونٹ آلا

ناکہیو: بُدھی کاتے ٹوڑ انقصان ہو یا ہیں تو یکوں جھگڑو کرے لگو؟

اونٹ آلو: ہول اونٹ تین گیو۔

سیا ناجناں نے پچھیو: وہ کس را؟

اونٹ آلانے کہیو: میراونٹ مانگما ٹوڑ اکھا گیو ہے ہن یوہ نکو ہو جائے گو۔

۳۶۔ پرمٹ

گیدڑ پور دن پھر تو رہیو اس ناکجھ شکار نہیں لبھو۔ سوچیو گیدڑی ناکے جواب دیوں گا۔ یا، ہی سوچ تھو بے راہ ماپتی وی کافند کی اک پر پی دیں گئی۔ اس نے منہ ماچا لئی کھوڑ ماپجناں ہی گیدڑی نے پوچھیو، چر کو کیو آیو؟

گیدڑ نے کہیو: پرمٹ بخا تو رہیو،

اجکل یوہ ادھار کار کار ڈنال وی جوڑ نو پے بڑ و ترددوے دیہاڑی ساری طُست گئی۔

فراس نے کافند کی واہ پر پی دتی۔ تے کہیو اس نامہمال کے رکھ۔

گیدڑی: اس کو کے فائدہ ہے؟

گیدڑ: بے مہارا کو ٹالا quota مقرر ہو گیا ہیں۔ بس جانو تے پرمٹ دیں کے گل ڈلیانا۔

دوئے دن دوئے پرمٹ لے کے شکارنا گیا۔ ورنما پچھے پے گیا۔

گھیدڑ: نس، ہی نس۔

گھیدڑی نتال کہئے تھی: پرمٹ دس، پرمٹ دس

گھیدڑ: نس، ہی نس جان بچا۔ یہ سارا انپڑھ میں۔

۲۔ ہلتی انگلی

ایک نواں امیر نے سونا کی چھاپ بنوائی تے ہر کسے نال چھاپ آلی
انگلی بلا بلا کے گل کرتور ہے تھو ور کسے نے مبارک دینی تے دور رہی چھاپ کو
پچھیسو وی نہیں۔

اک دن اس تے اپنی گھاٹی کی گھاڑی نااگ لا چھوڑی لوک دوڑ کے
آیا پچھن لکااگ کس رالگی؟ کے ہو یو؟

نووں امیر چھاپ آلی انگلی بلا بلا کے اگ لگن کی فرشی داشтан سنائی۔

ایک سیانو جنوں تاڑ گیو تے پچھیو: جناب تم نے یاہ چھاپ کد بنوائی؟ تے
دو جاں دروی اکھماری۔ وے بھی چھاپ کا بارہ ما پچھن لگا۔

نووں امیر نے ٹھنڈی ساس ماری تے کھن لگو:

بے تم پہلاں یاہ گل پچھتا تاں گھاڑی نہ سڑتی۔

۲۸۔ یاہ مہارا گھر کی گل ہے

اک چڑی نے باشنا کہیو : جناب کے حال ہے؟

باشنا نے کہیو : ہاں ٹھیک ہاں

میرے نال تیری گل کرن کی کے مجال ہے؟ تیناں پتو نہیں ہوں
پرندال کو راجو ہاں۔

چڑی نے کہیو : جناب ہم اک ہی اڈن آلی برادری کا ہاں۔ میں اینویں
تھارو عال پچھ لیو تھو۔

باشنا نے کہیو : خبردار ہے تو مناں اپنور شے دار ہتی وے۔

باشنا الہر چڑھی تے چڑھی ور حملہ کیو۔۔۔ چڑھی چھٹ مار کے باشنا کی کہنڈ
ور بسیں گئی تے چونڈ مارن لگ پئی۔ باشو، زور ارال پرال تے افراں بُناں
اڈیو مرط کے اتے پیٹھو جتوں اڈیو تھو۔

باشنا کی یاہ حالت تک کے ایک کیڑا کی بڑو کی نگل گئی۔

باشو نے کہیو : او ماں کھے لئے! تو کیوں ہسیو ہے؟ کیڑا نے کہیو منه
سمہاں کے گل کر پہلاں توں چڑھی کے پیٹھوں تے نگل (چھڑھی تیرے در
سوار ہوئی وی ہے) میری اوقات بعد ما پر کھتیے!

باشانے کہیو: او دھرتی ور سلکن آئیے چھمڑے۔ تو کون وے، مہارا
معاملہ مادل دین آلو۔ یاہ مہارا گھر کی گل ہے۔

۲۹۔ تناول وی ڈگ یاد رہیں گا

مہیس اونچی جگہ ماچرے تھی۔ پڑی پھنسی تے رڑن لگ پئی۔
ماخجھی نے کہیو یا پیرا تھمیئے۔ اچرتک دو پرت ہو رگ گیا۔ مہیس در
دیکھتاں ہی اس نے جلدی جلدی کہیو: یا پیرا تھمیئے، یا پیرا تھمیئے، مہیس انچ
وروں بُنھ جاتی دیکھ کے کہن لگو: یا پیرا ہن آپ بچتے۔
مہیس انچ وروں بُنہ جالگی۔ اچر توڑی ماخجھی وی اس کو لے آپ بھیو تے
مری وی مہیس ناٹک کے سوٹھو کیو:

زور ڈکی تو، نہیں کھلتے تھی، او کھے چرے تھی۔
فرسas مار کے کہیو: میر و کجھ نہیں ہوں لکھنیو، ہی پوٹ لیوں گا، ورتناں
وی ڈگ یاد رہیں گا۔

۳۰۔ مال غنیمت

کسی ملاں کے گھر گنو انڈی کی گلڑی چلی آئی۔ ملاں کی ٹبری نے کہیو:

ہم اس ناذنچ کر لیاں۔ خاصاً دنال تین ماس نہیں کھادو۔

ملاں نے کہیو: کسی کی گلڑی کس راجائز ہو سکے؟

ٹبری نے کہیو: آپے چلی آئی ہے۔

ملاں نے کہیو: تم جو مرضی کرو ہوں نہیں کھاؤ۔

ورجس ویلے گلڑی پکالی ملاں ناماں کی خوبیو آئی۔

ملاں نے کہیو: میرے اگے وی تھوڑا لاون گھل چھوڑ۔

ٹبری نے احتیاط نال لاون گھلیو ورماں کی اک بوٹی اس کے نال
آگئی۔

ملاں نے کہیو: اگر آپ آوے تے آن دے۔

ٹبری کہن لگی: گلڑی وی آپے ہی آئی تھی۔

فر کے تھوڑے ملاں ٹٹ کے پے گیو۔

ہر آتی بوٹی نادیکھ کے کہے تھوڑے سیلاں نال آیو وی مال غنیمت حلال
ہووے۔ یاہ کہتاں ہی ملاں نے ڈبی ناٹھ بلو ماریو تے ماس کیں غاصی
بوٹیں اس کے اگے جا پئیں۔

۳۱۔ ہول لندُو ہی چنگو

ایک دن بیٹھک کے پیٹھی وی تھی۔ اس کو لوں چوہو چنگو بیٹی نے پنجو
ماریو در جوہ جان بچا کے تھڈہ مابرہ گیو مگر اسکی پوچھڑی بیٹی کا پنجہ ما آگئی۔
بیٹی نے کہیو۔ بھائی چوہا باہر آتیرے نال کھیڈوں گی جس ویلے تو تھڈہ
تین باہر آؤے گوتاں ہی پوچھڑی چھوڑوں گو، نہیں تے ٹلک چھوڑوں گی۔
چوہو چالاک تھو، یاہ گل جانے تھوتے اس نے کہیو:
باہر نہیں آ تو، جیتو رہوں تے لندُو ہی چنگو۔

۳۲۔ تھوڑا ایں تے نہ لے وردھکا کیوں مارے۔

جنوں اک ڈاڑھ کھو رچڑھ گیو ورآپروں لہمنہ سکے۔ نیاز منی جے اج خیر
نال لہمہ گیو تے سور و پیہ کی نیاز چاڑھوں گو۔
اک ڈاہلو بُنہ لتھو تے دس روپیہ گھٹا گیو۔ اسے راگھٹا تا گھٹا تاں۔ جس
ویلے منڈھ کا ڈاہلا ور پکھیو تے بولیو: ہن تے صرف دس روپیہ ہی دیوں
گو۔ یاہ کہہ کے آخری ڈاہلا وروں چھال ماری تے ٹھہہ گیو۔ اٹھ کے بولیو:
تھوڑا ایں تے نہ لے وردھکا کیوں مارے۔

۳۳۔ پکڑی گئی کھپا ما

قاضی کو لے دو جناں کو مقدمہ لگو وی تھو۔ پہلا جناں نے قاضی نا پکڑی
دتی تے کہیو: جناب، فیصلو میر احق ما کریو۔ دو جنوں وی ٹوہ ما تھواں نا
پتو لگ گیو، لکھنیا کامار یاوی قاضی کے گھر کی لائزی مہمیں جا پہچائی تے کہیو :
جناب میر و دھیان رکھیو۔

قاضی نے فیصلو مہمیں دین آلا کا حق ما کر چھوڑیو۔

بعد ما ایک دن -- پکڑی دین آلو قاضی کوں گیو تے پچھیو: جناب
میری پکڑی کس کھاتہ ما گئی؟
قاضی ناہر چڑھگئی تے کہن لگو۔ پکڑی گئی کھپا ما۔

۳۴۔ بچاں کو فیصلوں سر منھے و زہن اتے رے گو

دو جناں کو جھکڑو یوہ تھو جے پہلا جناں کا ناڑا کو پانی دوا جناں کا میاڑ ور
ٹھہر تھوتے اس کا کوٹھاما سم جائے تھو۔ اس راؤ سکی کندنا ٹھہن کو خطر و تھو۔ گل
بچائیت تک پکھی -- بچاں نے پہلا جناں نا کہیو تو اپنو ناڑ و دوئی بھمی
لا چھوڑتاں جے اس کو نقصان نہ ہووے۔

پہلا جناں نے کہیو: بچاں کو فیصلوں سر منھے و رناڑ و اتے ہی رے گو۔

۳۵۔ جاگنماں کی کٹیں تے سوتاں کا کٹا

دو ماخجھی تھا۔ ایک رات جاگتھرے تھو دوجو سو جائے تھوانی مہیں اکٹھی ریں تھا ایک رات دواں کی مہیں اکٹھاں سو گئیں۔ جاگنماخجھی کی مہیں نے کٹو تو تے ستاماخجھی کی مہیں نے کٹی دتی۔ جاگنماخجھی نے کڑوٹ ادل بدل کر چھوڑ دیا۔ ستاماخجھی ناجا کے کہن لگو: مہیں سو گئی ہے ارے سجاگ رہیئے مت مہیں جھیر کھا جائیں۔ آتوں ہی گل مشہور ہو گئی، جاگنماں کی کٹیں تے سوتاں کا کٹا۔

۳۶۔ دستار و چوں ذکر کی آواز آوے

ایک پیر نے آپ اپنا مریدنا پھٹی پرانی دستار دتی۔ وہ اس ناگھر لے گیو، رات کھول کے دیکھی، واہ سروں کسے کم کی نہیں تھی۔ دو بھے دن مرید دستار لے کے سیدھو پیر کو لے جا پہچیو، تے کہیو: حضرت، تم اس نال اپنے کو لے رکھو یاہ مناں رات سون نہیں دیتی۔ اس و چوں ذکر کی آواز آتی رہے۔

مریداں کی محفل ماپیر یاہ گل سن کے پھٹنڈ گیو تے پچھن لگو

مریداں و چوں کے آواز آوے؟

مرید نے کہیو: حضرت یاہ

لَا إِلَهَ إِلَّا اللَّهُ، لَا إِلَهَ إِلَّا اللَّهُ وَرَدَ كَرْتَیٰ رَبِّهِ۔

پیر نے کہیو : یاہ اگے محمد الرسول اللہ وی پڑھتی ہو وے گی نال۔
 مرید نے کہیو : نہیں حضرت، نہیں یاہ، لَا إِلَهَ إِلَّا اللَّهُ، آدَمْ صَفْنِي اللَّهُ بِی پڑھے۔
 مرید نے اپنی گل جاری رکھتاں کہیو : حضرت یاہ کہے : ہوں اپنا زمانہ کو گلو پڑھوں
 گی۔ پیر یاہ سن کے لا جم ہو گیو تے سب مریداں نے سر بُناں دے لیو۔

۳۔ خزانو

لقمان نے آخری ویلے پوتاں نا کہیو : میں اپنی زیں ماماک ہتھ کی
 ڈوہنگائی ورخزانو دیبووی ہے یاہ کہے کے وہ مر گیو۔
 بعد ما پوتاں نے ساری زیں کھنی۔ کت تھو خزانو ؟
 انہاں نے سوچیو چلو ہن اس کھنی وی زیں ما فصل ہی راہ چھوڑا۔
 اس سال پیداوار دیکھ کے دنیا حیران رہ گئی۔ پوتاں نا سمجھ آگئی لقمان نے
 انہاں کہہ اخزانہ کو اشaro دتو تھو خزانو

۴۔ جیسانا تیسو

باشو بکوترا کے تیچھے لگو بکوترا ہور تیز نٹھو۔ اُت اگے شکاری نے جال لایو وی
 تھو بکوترا کسے رانچ گیو ور باشو اس ما جا پھسیو، شکاری پکڑ کے اس کی مُندی

مروڑن لگو۔ باشا نے کہیو: معاف کر بھائی تو مناں کہڑی دشمنی کی سزادین
لگو ہے۔

شکاری نے جواب دتو:

بکوٹ نے تیرو کے کھاد ووی تھو؟ یاہ کے کے شکاری نے اس کی مُندی
مروڑ چھوڑی۔

۳۰۔ جابر جناني

اک جناني بہت غصہ آئی تھی تے اہر ماں گھر آلا کے چاکے کجھ وی مار
چھوڑے تھی۔ اک دن وہ تنگ پے کے دو جا گراں ماں پنا دوست کے گھر
گیو۔ دوست کی جناني نے روئی پکائی۔ پہلاں تھالی گھر آلا اگے دھری تے
دوئی مہمان اگے۔

گھر آلانے اتنی مل کہ پچھے چھوڑی: پہلی تھالی مزمان اگے دھرنی تھی۔
جناني ناہر چڑی تے ڈبی چاکے گھر آلا سر ماما ری۔ تے واہ پچ گئی مگر
اسکو گلمو گلمو گانہ ماہار ہاروں پے گیو۔ مہمان نے کہیو: یار میری جناني نے وی
زور ڈین بھئی۔ ورتیری جناني کا ہتھ ما بڑی صفائی ہے۔ یوہ نظارو دیکھ کے
مزدا آگیو قسم نال سفر کی تھکاوت دور ہو گئی۔

۳۱۔ دو پکھا

ایک فقیر، سدو بہار ہریا بھریا بوٹا کی چھاں ما بیٹھو وی تھو، اس کی
ڈالیں، دھرتی نال لگیں تھیں۔

صوفی نے کہیو: ہوں عمر ماءِ بڑو ہاں تے علم ماوی، تیں مناں سلام کیوں
نہیں کیوں؟

فقیر نے سر ہلا یعنی تو عمر ما آدم تیں وی بڑو ہے، علم تے زہدا فرشتائی
کو سردار ہیو ہے۔ ورنماں پتو نہیں جے کھلاؤ آدمی بیٹھاوی نال سلام دے تے
چلتا ہٹھریا وی نا۔۔۔

صوفی: تو بڑیں گل کرے میرا کجھ سوالاں کا جواب دے؟

فقیر: خاموش رہ

صوفی: تو کتوں آیو تے کنگا جائے گو؟

فقیر نے افراد تے بُناں اشارو کیوں، یعنی ہوں اسمان وروں، امر ربی
کے تخت پیدا ہو یوتے آخر مٹی ماجانو ہے۔

صوفی : جنت دوزخ کت ہیں؟

فقیر : سچے تے کھبے پاسے۔

صوفی : عرش تے فرش کت ہیں؟

فقیر : اشارو یکو، عرش سرور تے فرش پیراں ییٹھ۔

صوفی : اسلام کے ہے؟

فقیر : ترکھڑی کی ڈنی یعنی اعتدال تے درمیانہ روی۔

صوفی : برائی تے نیکی کے ہیں؟

فقیر : ترکھڑی کادو پلا۔

صوفی : پاک تے ناپاک کے چیز ہے؟

فقیر : جھڑی چیز دھرتی و چوں پیداوے پاک ہے، جھڑی چیز

دھرتی نا دھرتی کھا جاتے، واہ ناپاک ہے۔

صوفی : کامیابی تے ناکامی کو راز کے ہے؟

فقیر نے تاری ماری تے ہسیو

فرآک ہتھاگے تے دوجو ٹکو یوتے رون لگ گیو۔

صوفی : آدمی مختار ہے جے مجبور؟

فقیر : ایک پیر چاکے کھلو ہو گیو۔

صوفی : باطن تے ظاہر کے ہو ویں؟

فقیر : اٹھیو تے سو بہار بوٹا کی ڈاہلی نال لگو دی گھن اڈایو تے دو پکھا
کڈ آنیا؛ جنہاں وچوں اک پکھو مکھیر کو بھریو وی تے دو جو
پکھو غالی تھو۔

۲۲۔ سو شل میدیا

شام ہوتاں ہی ہو مخلوق چپ ہو جائے یا سو جائے۔
اک گیدڑ جنگل کی کسے نکر وچوں تھوئنی کھول کے پٹھی سیدھی و انکنی ما
کہنے:

مہار و باپ بادشاہ ہو یو

ہو یو ہو یو، ہو یو ہو یو

یوہ نعروستاں ہی تھائی تھائی تیں کئی گیدڑ اس کی ہامی بھریں:

ہو یو ہو یو، ہو یو ہو یو

ہو یو ہو یو، ہو یو ہو یو

فر کے؟ گیدڑ اس کا اپنا اپنا گروپاں ما ٹویٹ (tweet) ری ٹویٹ
تے شیئر (share) کو موسسلو چل پائے۔

ساری رات جنگل مایوہ ہی لگتھو رہے جے گیدڑ اس کو باپ بادشاہ تھوتے

اج وی ہر پاسے صرف انہاں کو ہی راج ہے تے ہو روئے رہتو ہے نہیں۔

خیر پتو چل جائے گو،

بے شیر نکلیا۔

۲۳۔ وہ داند ہے نج تھوڑ و ہے

تیلی کا داند کی ٹلی کی آواز، تیلی کا معلمہ آلاں کی دلیل سُنناں ما۔۔۔ سر
 بلا تاج نے بھری عدالت ماتیلی ناپچھیو: تو داند کا گاٹا مالٹی کیوں بدھے؟

تیلی نے کہیو:

داندنا گھانی ور جھگڑ کے ہوں اپنا ہور کماں مالگ جاؤں تے ٹلی کی
آواز نال پتو گل تو رہ بے داند چلے گو۔

نج نے کہیو: کدے داند کھلو ہو کے گردن بلا تورہ تے فر؟

تیلی نے ہستاں کہیو:

جناب: وہ داند ہے، کوئے نج تھوڑ و ہے۔

۳۲۔ اگاڑی تیں چوہدری کوتے پچھاڑی تیں

بدمعاش کو

اک بدمعاش نے چوہدری کو گھوڑو چھپایو تے گھر جاتاں ہی اسکو
پوچھڑ کتر چھوڑ یو لیکھتا پلنگھتاناں چوہدری نے اپنے کھوڑ و سیان لیو تے بدمعاش
کولوں تقاضو کیو۔ وہ لاقطاع نمکر گیو۔

چوہدری نے کچھری مامقدمہ کیو۔ جن نے گواہ منگیا۔ چوہدری نے اپنے گواہ
کھتری رکھیو۔ بدمعاش نا پچھیو: توں اپنا گواہ دس کون ہے؟ اس نے کہیو:
میر دگاہ وی کھتری ہے۔

کھتری مجبور ہو گیو، سوچ جو الیونہ ہو وے دو پاؤ سوں مارے جاؤں
بدمعاش کوئے نقصان نہ پہچاوے تے چوہدری کو حق وی ضائع نہ
جاتے، کھتری نے سوچ کے بیان دتو:

گھوڑا اگاڑی تیں چوہدری کوتے پچھاڑی تیں بدمعاش کو۔

٣٥۔ سچ کھوں تے اماں ماری جائے جھوٹ کھوں تے

اڑھوکتو کھاتے

نکا جاتک نے تکیو بے باپ نے ماں آن کے اسکی ماں ناد تو تے کہن
لگو: بڑا دن ہو گیا ماں نہیں کھادو، اج ماں کھاں گا۔ بڑی نے ماں
دھریو تے کم مالگ گئی۔ بلی ماں کھا کے نس گئی۔

جنانی نے سوچیو: جنوں لہر آلو ہن کے کروں؟ اتنا ماں اک کتو نگڑو کدے
تین آنکلیو گھر آلا کا ڈر کے ماریاں جنانی ٹلک ٹلک کے پکایو تے گھر آلا
اگے دھریو۔

نکو جاتک دل ہی دل ماں سوچے تھو:

سچ کھوں تے اماں ماری جائے جھوٹ کھوں تے اڑھوکتو کھاتے۔

٣٦۔ بد شستی

ایک کنجوس جنوں بلی ورکھل کے دانی کھاتے تھو۔ اک دانو ہتھو چوں
ٹھہہ گیو۔ جناں نے دانو پکڑن واسطے ہمڑیو تے بلی وروں ٹھہہ گیو۔ بلی کے
پیٹھوں را تھو کسے را لنگھتا جناں ورجا بھیو۔ ٹھہن آلو تے سچ گیو ورجس ورٹھہو

اُس کو گاؤں بھج گیو۔ لوک پتو کرن آیا تے وہ کہن۔ اس تیں بدھ کے ہور کے
بُشتمتی ہووے گی: ٹھیے کوئے تے گاؤں کسے کو پختے۔

۲۔ چار رکعات

۵۲۔ سو یلے کی بی رکعات ہوویں

اک مرید نے ڈھنگی بن کے نیاز آئی تھی۔ پیر نے پچھیو اُرے توں نماز
وی پڑھے ہووے۔

مرید نے کہیو: جی پڑھوں۔

پیر نے پچھیو: سو یلے کی کتنی رکعت ہوویں؟ مرید نے کہیو: سو یلے کی
بی (۲۰) رکعات ہوویں۔

پیر ناہر چڑھ گئی تے اس نامارن دوڑیو۔ مرید نس پتیو اگے کوئے صوفی
مليو تے کہن لگو: اورے بھائی تیں کھتیاں تھائی دتی وی ہے؟ وہ مرید کہن لگو:
پیر نے پچھیو تھو، سو یلے کی کتنی رکعات ہوویں؟

صوفی نے کہیو: اورے تے تیں کہنو تھوناں۔ چار ہوویں۔

مرید کہن لگو: وہ تیری مال کو حکسم بیہاں و نہیں منتو تو چوال کی گل
کرے؟

۳۸ - میری لوئی چھوڑ، منٹاں بھسیدلگی میں

مرگِ مانملاں نے آجڑی پکڑ لیا تے کہیو : اورے آؤ نماز پڑھاں۔
 اک آجڑی نے اپنی لوئی ڈھائی، ملاں اگے ہو کے نماز پڑھان لگوتے سارا
 آجڑی پچھے کھل گیا۔۔۔ ورانہاں کو دھیان اپنی بھسیداں در تھو۔ ملاں نے
 نماز مج لمی کر چھوڑی ۔

آجڑی اک دوال ناٹھہلا ماریں تے کہیں تھا : اورے ٹھونا۔
 اور رے ٹھونا اگے تیں کوئے دوجو بولیو : اورے چپ کرو نایوہ الگو ٹیبے
 تے فرٹھاں گا۔

بلہیں بلہیں، ایکن ناچھوڑ کے سارا آجڑی کھسک گیا۔
 آخر ملاں نے نماز ختم کی تے پچھاں مر کے کہیو : تو بڑونیک ہے
 تائیں نماز ماروے تھو۔

آجڑی نے کہیو : ہوں روؤں اپنی قسمت نا۔۔۔ میری لوئی تیرے بیٹھ
 پھس گئی ہے۔ میری لوئی چھوڑ، منٹاں بھسیدلگی میں۔

۳۹۔ ملاں کی من منی

ایک جاتک ناکا تے چیز بھی جھڑی ما کجھ دانہ جیہا پرو یاوی تھا۔ اس ناں کو ناں پتو نہیں تھو۔ پہلاں تے وہ ڈر گیو فراس نے ہمت کر کے واہ سوئی ورنگی تے بولائی ملٹھ بیٹھا وی بُدھا کے سامنے کی۔ اڈھا یوہ کے ہے؟

بُدھا نے کہیو اورے اس نا انگانہ لیا تے، جتوں چائی ہے اتے سٹ آ۔

جاتک نے پچھیو: اڈھا یوہ کے ہے؟

بُدھا نے کہیو: اورے یاہ اس ملاں کی من منی ہے یاہ جس کا ہتھ ماتلی وہ رو تو تے منگت تو تکیو۔ اس نامہارے ڈیرے نہ لیا نئے۔

۵۰۔ بھل مرید کریں تے ٹنگن پیر ہو ویں

ایک وارا ک مندر یو پیر کے مرید کے گھر جا پچھیو۔

مرید کدے باہر گیو وی تھونکا گیرا کڑیں اسکوں گیا وی تھا۔ مرید نے ٹافٹ روئی پکائی تے بڑی گھٹھلی و چوں مکھن آلو چھنوکڑ کے پیرا گے مکھن گھلیو تے کہیو: تم روئی کھاؤ تے ہوں پانی لے آؤں۔ پیر نے سوچجو۔ مرید نے مکھن تھوڑ و گھٹ گھلیو ہے۔ کیوں نہ ایسو کروں بھے گھٹھلی و چوں

تحوہڑو ہور بایلوں۔ کٹھلی ذرا اچیری تھی پیر کٹھلی مابُناں ہو کے مکھن کڈھن
لگوتے اس کی ٹنگ کھلی ہو گئیں تے سر کٹھلی ماپے گیو۔ زور کوشش کی ور
باہر نہیں نکل سکیو۔

مریدنی مرِ کے آئی تے کہن لگی : اوہ میرے ور پے گئی، یوہ کے ہو گیو؟
پیر کہن لگو : بھل مرید کریں تے ٹنگ پیر ہو دیں۔

۱۵۔ دنیا کی مثال آناں کا ہاتھی جسی ہے

آناں کا شہر ماں کا شخص ہاتھی لے آیو۔ آناں دوڑتا آیا جے تو س کے
دیکھاں، ہاتھی کس را کو ہو دے؟ وے اسکی چفیری ہو گیا۔
اک آنا نے ہاتھی کی سونڈ تو سی۔

دواجا کو ہتھ کن ور پیو، تیجانے آناں نے ہاتھی کی ٹنگ پکڑ لی، چو تھا کے
ہتھ ہاتھی کو پوچھڑ آیو۔

مرِ کے چلے چلا گیا تے اک ناممجان لگا۔

پہلو بولیو، ہاتھی ناگ جس تو تھو۔

دو جو نے کہیو: نہ کرے ہاتھی پچھ جس تو تھو۔

تیجانا کہیو چپ کرے، ہاتھی تھم جس تو تھو۔

چوتھا نے کہیو : انہیو کے یاری ماریں ، وہ تے باری جس تو خواز
 جس اٹا کے ہتھ ہاتھی کو جھڑ و انگ لگ گیو ، اس کا خیال ماہا تھی کی واہی
 شکل ہے۔ اسے راہ شخص اپنا اپنا تجربہ تے مشاہدہ کی بنیاد ور اپنا تصور کی
 اکھاں نال دنیا نا بکھد دیکھتے خیالی گھوڑا نا اڈی مارتور ہے۔ سچ یوہ ہی ہے
 جے دنیا کی مثال اٹاں کا ہاتھی جسی ہے۔

۵۲۔ اپنو گلکڑ

ایک دن ایک دکاندار نا کسے دوست نے دعوت دتی جس ویلے وہ
 دکاندار دوست کے گھر روٹی کھائے تھوتے دوست نے کہیو : یہا میں تیرے
 واسطے گلکڑ پکایو ہے۔

اس دکاندار نے کہیو : جد وی کوئے گلکڑ کھائے اصل ما وہ اپنو ہی گلکڑ
 کھاتے۔

دوست ناراض ہو گیو گل آئی گئی۔

ایک دن گلکڑ کھوالین آلا دوست نا گل یاد آئی جے فلاں دکاندار نا میں گلکڑ
 کھوالیو تھو۔ کیوں نہ اس کے گھر جا کے ہوں وی مزمانی کو گلکڑ کھاؤں۔ یاہ
 سوچ کے وہ اس کے گھر جا پہجیو۔ دکاندار نے وی بھاجی ما گلکڑ پکا کے اس

کے اگے دھریو تے کہیو: جد وی کوئے گلگڑ کھائے اصل ماوہ اپنو ہی گلگڑ
کھاتے۔

۵۳۔ منافق

چڑیاں کا شکاری نے اک جال بنایو۔ ایک دن اس ماتیز پھس گیو۔
تیتر نے سوچیو، موت نیڑے ہے ہمت کر کے شکاری ناکہیو: مناں مار
کے تنا کے لبھو گو مناں چھوڑ، ہوں تنا مج سارا تیتر چپن کی جگہ دسوں گو تو انہاں
پکڑ لئے شکاری نے کہیو: تو بہت بڑو منافق ہے، جہڑا وانی برادری کو سوگو
نہیں وہ ہور کسے نال کے سجنی کرے گو۔ یاہ کہہ کے شکاری نے تیتر اپنی ٹوکری
ما با لیو۔

۵۴۔ معرفت کو خزانو

دریا کے کنڈے، چاتی رات ماچلے بیٹھا وی اک شخص نے پانی ما
مچھلیاں کیں یگل سنیں:

بڑی مچھلی نے کہیو: پانی مہاری روح، جان تے خدا ہے۔ ہم پانی نا
محوس کر سکاں وردیکھ نہیں سکتیں۔ کیوں جے ہم پانی تیں باہر نہیں جاسکتیں
تے پانی دیکھن واسطے اُس تیں باہر جانو ضروری ہے۔

ایک ان من مچھلی پانی و چوں اُفرال اچھلی۔ ہوا مامہجتاں ہی سرت کھو پیٹھی

تے پانی مائٹھہ گئی۔ فردیکھو دیکھی ہو رچھلیں ویں اُفراں اُچھل کے اُچھل
کے پانی نادیکھن کی کوشش کرن لگیں۔ ورکائے پچھلی پانی نہیں دیکھسکی۔

چکش نایا گل پتے لگی، ہم وی خدا کا نور ماڈبیاوی ہاں تے جیتے جی
اُس ناکدے وی نہیں دیکھ سکتا، وہ اٹھیو تے بڑی پچھلی ہاروں معرفت کو خزانو
لے کے گھر گیو۔

۵۵۔ بھو بھریو

شاعر نے اک دن بھونال بھریاوی ڈراوانا پچھیو :

توں اس ڈوگی ماکھو کھوٹنگ تے نہیں پیتو۔

ڈراوانے کھیو: نہیں نہیں ہوں تنگ نہیں پیتو بلکہ جانوراں تے
پرندال ناڈران مامنال مجھی مزاوے۔

شاعر نے اک منٹ سوچ کے ڈراوانا کھیو: یاہ گل سچ ہے ممناں وی
جانوراں تے پرندال ناڈران مامنال مزاوے۔

ڈراونے شاعر نے کھیو:

ہاں ہاں، اس لذت ناوے ہی لوگ محسوس کر سکیں جنتہاں کا دماغ
تے جسم ما بھو (پہو) بھریو وی ہووے۔

شاعر نے کہیو : یا تو ٹھیک کہے مناں میری ٹبری وی اک دن کہہ تھی
بے تیرا دماغ مابھو (بھوسو) بھریو وی ہے۔ بھو بھریو۔

۵۶۔ بھلیلو لوگل نامسجھیا کرو۔

شکاری ناساہ پھوکی لگی وی کسے پاؤں دوڑ تو آیوتے ڈوگی ماہل بھاتا
جنال نا پچھیو : بھائی انکا کائے پھنڈ تے نہیں اگے تین جنوں نے کہیو : جی
اہاں دیکھی تھی۔

شکاری نے پچھیو : کتنی چرہوئی ؟

جنال نے کہیو : دو سال پہلاں اسے پاسے ان ہی دنیں اتے کدے
دیکھی تھی۔

شکاری نے کہیو : او بھائی چپ وی ہو، ہوں اس پھنڈ کی نہیں پچھتو۔
تیرو کے مطلب ہے بے ہوں دو سال تیں لے کے اجائیں تک دوڑوں ہی
لگو۔ بھلیلو لوگل نامسجھیا کرو۔

۷۵۔ کریکٹر آلمہمیں

جنوں اپنی سندھ مہمیں یچن واسطے منڈی مالے گیو۔ ات اک گاہک

مل گیو۔ کاہک نے پچھیو: بھائی یاہ مہمیں کس را کی ہے؟
 جناں نے کہیو: گل نہ پچھ، بہت ہی کریکٹر آلی ہے۔
 وہ خریدار خوش ہو گیو۔ اس نے سوچیو، مہمیں اصلی ہے۔ سود و ہو گیو۔
 فر عرصہ بعد اس نا مہمیں بیچن آلو بھو تو تے کہیو: یراواہ مہمیں تے اٹھاولہی
 نہیں کرتی۔ تیں میرے نال دھوکھو دے نہیں کیو۔
 جنوں کہن لگو: داں والا یاد کر، میں تناں کے ٹھوک بجا کے کہیو تھو: مہمیں
 کر کیٹر آلی ہے۔

۵۸۔ بھولو حاکم

خلیفہ وقت نے اپنا پیارا مگر سب تیں نالائق غلام ناتاریخی شہر مصر کو حاکم
 بنایو۔ برہیا مایا پانی چڑھیو تو لواں کی کپا (روں) کی فصل بر باد ہو گئی۔
 حاکم نے موقع دیکھیو گیو تو لواں نامشور و دتو:
 اون پانی ما خراب نہیں ہوتی! لہذا ج توں بعد اپنی زمینیاں ماسارا
 لوک روں کی جگہ اون ہی بیجو۔

۵۹۔ سو و مگر صحیح طریقہ نال

ایک دن، ایک گرائیں بندہ کے گھر مزمان آ گیو۔ روٹی شوٹی کھوال

کے گنو اڑی کے گھر گیو تے کہیو : جناب میرے گھر دو ہی مُنْجھیں یہ ایکن ور
ہوں تے آبو سووال تے دوجی ور میری ٹبری تے اماں سوئیں۔ اج اک
مزمان آيو ہے تے ایک مُنْجھی دیو۔

گنو اڑی نے کہیو : یہ مُنْجھی کی خیر ہے، پہیو لیتو جا و تم سوچھ طریقہ
نال۔

۶۔ روزی روٹی

ایک مُچھر سیالا مابکھ کو ماریوی کیڑیاں کا کھڈ و رجا پھیو، اپنا شعر تے
گیت وی بخلی ورستا کے اس نے کیڑیا نا کہیو :

تم میری تھواہ کو بندوبست کرو۔ ہوں تھارا تکاں نکیاں نا گانو بجانو
سکھاؤں گو۔

کیڑیاں نے کہیو : ہم اپنی اولاد نا محنت مزوری سکھاؤں تاں بے
و اپنی روزی آپے کمان جو گی ہو جائے۔ تھارے جیسا کامل تے ہنر آللو کاں
نا گھر گھر جا کے اپنے ہنر دسنو پے۔ مھارا قبیله کی رسم کے مطابق وہ علم، شاعری یا
فن جس نا سکھن نال روزی روٹی آپ ہی کما سکاں وہی سب تین بہتر ہے۔

۶۱۔ بھار

اک محصر داند کا سینگ و آبیٹھو تے کہن لگو جناب ہوں تھارا سینگ ور
بیس کے تھوڑی دیر سیر کرنو چاہوں۔ اپی جگہ تو سیر کرن کو مزا آوے تمناں
تکلیف ہوئی وے گی تے میر و بھاروی غاصبو ہے۔

داند نے کہیو: نہیں نہیں ایسی کوئے گل نہیں۔ جناب تم کدے اپنی
ساری برادری لے کے میرا سینگ ور بیستا یا اڈ جاتا مناں تے پتووی نہیں
تھوگے۔ واہ گل ہے جو گھلوکاں نا ایسوں ہی بڑو بن عادت وے تے اپنو
بھار جتا تاریں۔

۶۲۔ تھاری جتیاں کو صدقہ

اک مذاق جناں نے موٹا موٹا رشتہ دارتے دوتاں نا دعوت دیتی
جس ویلے وے کھانو کھان لگا۔ آدمی نے نو کرنا کہیو: ان کی ساریں جُتیں
لے کے بازار مانچ آنکرنے اسے رائیو۔

مہماں نے کھانا کی بہت تعریف کی تے کہیو: تیں مہارے واسطے
اتنی تکلیف کی۔

جناب نے بڑی عاجزی نال ہتھ جوڑ کے کھبیو: ہوں کہ اس قابل تھو،
تھاری ہی جوتیاں کو صدقہ ہے۔
بدلوک دعوت کھا کے باہر گیاتے سارا کی جوتیں غائب تھیں۔

۶۳۔ خدا کا راز خدا ہی جانے

کسے فلاسفہ نے چرخو چلان آلی بڈھیری کے سامنے کھبیو: خدا نہیں ہے۔
بڈھی نے فلاسفہ کھبیو تیر و مغز تے نہیں مارے گیو دیکھ ہوں چرخو پھیروں تال
ہی یوہ پھرے۔ بھے ہوں چرخو نہ پھیروں تے اپنے آپ نہیں پھرتو۔
بڈھی کہن لگی: تو ہی دس یوہ نکو جیہو چرکھو آپے نہیں پھرتو تے فرآں بڑا
چرخ ناکون پھیرے؟

فلاسفہ کہن لگو: وہ دستو یکوں نہیں

بڈھی نے کھبیو: ضروری نے بھے آدمی نا ہر چیز دستے تے سمجھ ما
آجائے۔ خدا کا راز خدا ہی جانے۔

۶۴۔ او بندیا تو کہت ہے؟

فقیر نے جاتک نا پچھیو: تو اس ایکلو کے کرے لگو؟

اس نے کہیو ہوں۔ اسکو لوں چھپ کے اتھلو ہاں تے ماسٹر مناں
لوڑ تو وے گو؟

جاتک نے فقیر نا پچھیو: تو اتھلو کے کرے لگو؟
فقیر نے کہیو: ہوں خدا کو لوں نس کے اتھیو ہاں تے وہ مناں لوڑ تو
وے گا۔ اتنا ما ماسٹر آن پچھیو: او نکیا ات کے کرے انگا آ۔ یاہ سن کے فقیر نا
حال پے گئیو۔ تے اس نے غبی آواز سنی: او بندیا تو کت ہے؟

۶۵۔ غلامی تے بے غیرتی

ایک کمزور تے لا غر بگیاڑ نے دیکھیو جے آجر طی کو کتو مج پلیو وی تھواس
نے پچھیو: یہ اہم دوئے اک برادری کا ہاں اک گل دس تو ان تو پلیو وی کس را ہے؟
گٹا نے کہیو: آمیرے نال رہو، تو وی مولو ہو جائے گو۔ ہوں مالک کی
راکھی کروں وہ مناں چنگی خوراک دے۔ بگیاڑ نے پچھیو: یہ تیرا گاٹا ما زخم کیا
ہیں؟

ہتا نے کہیو: کسے ویلے مالک مناں زنجیر نال بدھ کے رکھے۔ اسے
کا یہ زخم ہیں۔

بگیاڑ نے کہیو: ہوں غلامی تے بے غیرتی نال پلن تیں کمزور چنگو۔

۶۶۔ نہ بھونکیو، نہ بھونکیو

چن نے ناس ناس کڈی تے سماں بھونکن لگ پتیا۔ ایک سنا نے کہیو: اُرے بھونکنو بند کرو الیونہ وے بے چن ڈنڈو لے دھرتی چلیو آوے تے مهاری خیر نہیں ہو سیں۔

بڑا سنا کی یا ہمیں سن کے سارا سنا چپ ہو کے کہیں پھر چن دردیکھتا رہیا جے یوہ کدے بنال نہ ہل آوے۔

ور بڑو چوں و چوں بھونک کے کہہ چھوڑے تھو، نہ بھونکیو نہ بھونکیو۔

۷۔ پولیس تے کانگ کا پہلا ہلا تیں خدا بچائے
اک چو ہو ڈریوی انکا آنکا نسے تھو۔ کسے دو جا چوہانے اس نادیکھ کے پچھیو: یا آج تیر ورنگ اڈیوی ہے تے توں اپنے آپ سماں وی نہیں سکتو۔ کے وجہ ہے؟

چوہانے کہیو؛ شہر مادکان لئے گئیں تے پولیس نامہارے وروی شک ہے۔ یا سنتاں ہی دو جو چو ہو وی نس پیو تے دوئے کدے جا کے چھپ گیا۔ چھٹ گھڑی ساہ لے دو جو چو ہو بولیو: یا تیں بھلہ کیو مناوی دس چھوڑیو نہیں تے ہوں پھس جاتو۔ اللہ بچائے کانگ تے پولیس کا پہلا ہلا تیں۔

۶۸ مسلک دال روٹی ہے

ایک شخص نے اثانا پیچھیو: تھار و مسلک کے ہے؟

اس نے اگے تیں کہیو: ہوں ان پڑھتے معدور ہاں۔ مناں کجھ پتو
نہیں؟

اس نے کہیو: فروی تیر دکوئے نے مسلک ہووے گو؟

اننا شرارت آئی تے بولیو: میر و مسلک تھار ای آلو ہے۔

اس نے کہیو: وہ کے ہے؟

آنو بولیو: دال روٹی۔

۶۹۔ اپنی ہی اگ سب پہلاں بمحماویں

حکیم نے اپنا دوشاشاگرد اس نا پیچھیو، خدا نخواستہ بے کدے مہاری
داؤھیاں نا اگ لگ جائے، دبو، پہلاں کون کس کی داؤھی کی اگ
بمحماوے گو۔

پہلاوشاشاگرد: جناب ہوں پہلاں تھاری داؤھی کی اگ بمحماویں گو۔

دوجو شاگرد: جناب: اپنی ہی اگ سب پہلاں بمحماویں۔

۱۰۔ وعظ

اک وعظ کوں اتنی سوئیں تھے جے اگر اک میدان ما کھلیاری جاتیں
تے وہ بھی بھریو جاتو۔ مائی مریم اس کو کے آئیں تے کہیو: میرا جاتک کی
کڑھتی پاٹ گئی پلکیں وہ ہیکل ماجائے گو، خدا کے نام اک سوئی منال دے
تاں بھے ہوا سکی کڑتی سیر ہچھوڑوں۔ واعظ نے سوئی نہیں دتی تے کہیو:
اپنا جاتک نا کہیے: اُت جا کے لوکاں ناجا کے میری لکھیو وی وعظ سناوے۔ شعر

ستتا میں کھماں واعظِ ناداں کی نصیحت

گرو عظ و نصیحت میں تر انام نہ ہوتا

۱۱۔ دم دلاسو

لومڑی نے ایک سویلے اپنے مجھ نموجھا ملو دیکھیو تے خوش ہو گئی کہن
لگی: اج میری نہاری اونٹ ہونی چاہئیے تے اونٹ لوڑن لگ پئی۔ چرتک
اونٹ نہ لسھی انگادو پھر ہو گیو۔ اُس کی نظر اپنا نکا جیا چھا ملا ورپئی تے کہیو: ہن
بھے لئھے تے چو ہو وی بہتی رو ہے۔

۱۲۔ بے قدر روز مانو

مگر مجھ نے لنگھتاں بگیاڑ نا پچھھیو:

یرا تو ہر دلیلے ہستو کیوں رہے۔

بگیاڑ نے کہیو :

ہوں قدرت کا حسن تے نظاراں کو بڑو سودائی تے عاشق ہاں، انہاں نا
تک تک کے میری براچھ کھل گئیں ہیں۔ ورزمانو کجھ نہیں سمجھتا۔

یاہ سن کے مگر مجھ کہن لگو:

اندر کا ہولال نال میری اکھ دی باہر آ گئیں تے اتحروں نہیں ٹھہرتا،
وربے قدر روز مانو تیراہ ساتے میرا اتحروں کی قدر کے جانے؟

۳۷۔ زندگی امید و رقاۃم ہے

تقدیر کی لکھی نال کے چارو ہے ایک دن ایک ہستو کھیڈ تو چوہو پنیر کی
مشک و رپنجرہ ماجا پھسیو۔ آنگاداروں ملی وی آنکی۔ چوہانے سوچیو۔ ملی کو پنچو
میرے تک نہیں پچھہ سکتو۔ لہذا پنیر کو ٹکروہی کھالیوں۔ یاہ سوچ کے اس نے
ملی کی ذرا اوی پرواہ نہیں کی تے پنیر کو ٹکروہ کھان لگ پئیو۔

یاہ گل۔ ملی کی سمجھ تین باہر تھی۔ اس ناچکر چڑ گیو تے ڈھرنی کھاتی کھاتی
کسے پاس نس گئی۔ اوچی ڈاہلی وروں اک پکھنو نے کہیو: چوہو موت کا پنجرہ
ماں زندگی ہے تے پنیر کو ٹکروہ امید ہے۔ زندگی امید و رقاۃم ہے۔

۲۷۔ ہے تے لیلو، ہی ہے

نکا لیلا نا جس ویلے سنگٹی آن لگیں اس ویلے وہ لوکاں نال خواہ مخواہ اڑکھڑ
کرن لگے مثلاً کسے راہ چلتا نکایا نکی ناٹک مرچھوڑنی کسے پیشاپ بیٹھا واجناں
نے کند آلے پاؤٹک مرچھڑنی۔ یا اسکے کڑھانڈے چڑھ کے سیر کرن کی
کوشش کرنی۔

یوہ جس ویلے ذرا انگورے تے اپنا چھاما لانا تک کے وی بڑوں کن لگ
جائے۔

لوک کہیں اس کا سرما کبڑاں کی گئی وے۔ جھڑا اس ناہر ویلے اڑ بیٹھو
دیتا رہیں۔

قدرت کی یاہ عجوب مخلوق ہے اس کا بڑا بڑا سینگ سرور بوجھ ہو ویں لک
یعنی قول کی ڈنڈی سدھی کرن واسطے قدرت نے پھکلے پاسے ماں کا دو بھریرا
گولا لا چھوڑ یا جنکو لیلا نا بڑو مان ہے۔ قدرت کا قول تلاراتے پڑسگ دیکھ
کے عقل حیران ہو جائے؟

جد کوئے لیلو، نیلو یا شل متی چرچھوڑے تے اس نارت چڑھ جائے فر
اسکو علاج کن کپنو پے۔ رت بگتاں اس کی چھڑکنی مشنجی ہو جائے۔

۵۔ ہاتے اومیر یا اپنیاں تو کس نال جاریو

بہار کا موسم ماک بڑوڑ کھوٹی نال قص کرے تھو۔

اک جناب نے موہنڈ اور کواڑی دھری وی رکھ پیٹھ جا پہبھیو، ترکھا منہ آلی کواڑی رکھ کی ڈاہلی نال آڑگتی تے بولی:

ہوں لوہا کی دھی ہاں میر و باپ پتھر تین ڈاہڈو ہے تے جنگ ما اس کی قیمت سونا تیں بدھ ہووے تو کے سمجھ کے میرے نال پنجواڑا وے۔

ڈاہلی چپ رہئی، رکھ نے عاجزی نال کھبھیو:

تو میرا مُندھ نالوں ایک سکو وی نہیں لاسکے تھی ورہن خود میری جنس کو دستو تیرے نال جا لگو ہے۔ ہن میر و سمجھ چارو نہیں۔ اتنا ماجناب نے دستو ہتھ ما گھٹھبھیو تے اگیر کے مُندھ و پہلو پھٹ ماریو۔ تے رکھ نے کھبھیو: ہاتے او میر یا اپنیاں تو کس نال جاریو۔

۶۔ تحفہ کی حقیقت

اکدن کھوجہ نے گجر کے گھر ایک لیلی ہک آنی تے کھبھیو: چوہدری میں تیرے واسطے یاہ لیلی، تھفو آنی ہے۔ چوہدری نے کھبھیو جی بسم اللہ!

گوجرنے سوچیو تحفہ کو بدلو تحفود یو ضروری ہے۔ اس نے کھوجہ نال لائزی

مہیں نالوں کٹی کھول دتی۔

خوشی نال کھوجہ کیں براچھ گھنل گئیں۔

کجھ دناں بعد کھوجو لا تری بھسید لے کے آن حاضر ہو یو تے کہن لگو :

چوہدری میں تیرے واسطے یاہ لا تری بھسید تھفوآنی ہے۔

گجر ساد تھواس نے کھوجہ نالا تری مہیں کھول دتی۔

کھوجو بہت خوش ہو یو۔ کجھ دناں نے تیں بعد کھوجو گجر کی باٹدی میں
بڑھ کے مہیں گنے تھوتے حساب لادے تھوکیتی بھسید اس کی ماریں۔

۷۷۔ ترے موئی

ایک جناں نے چڑی پکڑی۔ ہتھ مالے کے جائے تھو۔ چڑی کہن لگی
: مناں چھوڑ دے ہوں ہناں ترے قیمتی گل دسوں گی۔

جناں نے سوچیو : نئی جئی چڑی لے کے وی کے کرنی؟

اس نے چڑی چھوڑ دتی۔ چڑی اُڑی تے ڈاہلی ور جا پیٹھی، اس نے
کہیو : پہلی گل یاہ ہے جے جھڑی چیز ہتھو چوں پلی جائے اس کو غم نہیں کرنو۔

جناں نے کہیو : تیں سچ کہیو۔

چڑی اڈ کے دوجی ڈاہلی ورجا بیٹھی تے کہیو، دوجی گل یاہ ہے۔ میرا پیٹ
ما پا پا وزن کا ترے موئی ہیں؟

جنوں نے کہیو : میں غلطی کی تو چھوڑی سخت پچھتاوں لگو۔

چڑی نے کہیو : ہوں تیرا ہتھ ما تھی، میرا وزن بدھو بدھا ایک پاوے
گو۔ میرا پیٹ ما ”پا پا کا ترے موئی کس را ہو سکیں تھا“

جنوں : تین سچ کہیو۔

تبجی گل وی دس جا

چڑی نے کہیو :

بغیر سوچیاں سمجھیاں کسے وریقین نہیں کرنو، یاہ کہیو تے چڑی غائب ہو گئی۔
ترے گل ترے موئی۔

۷۸۔ یاہی وکالت ہے

قانون کا طالب علماء نے رل کے ایک نامی وکیل نا چھیو وکالت کے
ہووے۔

وکیل نے کہیو : یاہ گل سمجھان واسطے ہوں تمہاں ایک مثال دیوں،
دھیان نال سنیو۔

منیو جے میرے کول دو جناں آؤ میں جن ما اک میلو چھیلو تے دوجو
صفتھرو ہے، اگر ہوں ان دواں نا نہان کی کھوں، دسو انہاں وچوں کھڑو
نہاواے گو؟

طالب علمان نے ایک جٹ کھیو : گندو جنوں نہاواے گو۔
وکیل: نہیں ستر و جنوں نہاواے گو کیوں بے اُس نا نہان کی عادت
ہے۔

وکیل ہُن دسو کھڑو نہاواے گو؟
طالب علم: سُتر و جنوں نہاواے گو۔
وکیل: نہیں میلو چھیلو جنوں نہاواے گو کیوں بے اُس نا نہان کی لوڑ
ہے۔

وکیل ہُن دسو کھڑو نہاواے گو۔
طالب علم: دوئے نہیں نہا سیں گا۔
وکیل: نہیں دوئے نہاویں، کیوں بے میلا کچیلا آدمی نا نہان کی لوڑ
ہے تے دو جان نا نہان کی عادت ہے۔
وکیل: ہُن دسو کھڑو نہاواے گو؟

طالب علم : دوئے نہاوا میں گا۔

وکیل : نہیں دوئے نہاں میں کیوں بے میلا کچیلا آدمی نا نہاں کی
عادت نہیں، تے دوجانا نہاں کی لوڑ نہیں۔

ایک طالب کہن لگو : جناب تم نے ہر دارالگ جواب دتا ہیں تے وے
سب صحیح لگیں۔

وکیل : یا یہی تے وکالت ہے۔

ضروری یوہ نہیں بے حقیقت کے ہے؟ ضروری یوہ ہے بے اپنی گل
ناں ثابت کرن واسطے بہتر دلیل کون دے۔ ہن دسوکھڑو جنوں نہاواے گو؟

۸۹۔ ڈورو تے یمار

ڈورو : کے حال ہے؟

یمار : مروں لگو۔

ڈورو (قیاس کرے بے اس نے کہیو ہے بلہ ہاں) : شکر ہے اللہ کو

ڈورو : خدمت کون کرے؟

یمار : قبرال آلا۔

ڈورا نے سوچیو، رشتہ داراں کو کہتو وے گوتے بولیو:

فرض ہی انہاں کو ہے۔

ڈورو: کھڑی دوائی کھاتے؟

بیمار (تینگ پیو وی تھو) کہن لگو : زہر کھاؤں۔

ڈورو (انداز والا یعنی کہہ لگو فلاں دوا---) :

چنگی دوا ہے کھا تو رہئے۔

ڈورو : کھڑا اڑا کٹر کولوں علاج کروائے لگو؟

بیمار (تینگ پیو وی تھو) : ملک الموت کولوں۔

ڈورا نے سوچیو کسے ڈاکٹر کو نال لیو ہے؟

ڈورو : مبارک وے چنگو ڈاکٹر ہے۔ وہی تیر و علاج کرے گو۔

٨٠ گھوڑا باڑے تے داند کھلاڑے

جنگل ما ایک سرب نیلا تلاوروں گھوڑا تے داند کی روز لڑائی ہووے تھی
داند طاقت آلو تھوتے گھوڑا ناسا چھوڑے تھو۔ ایک دن گھوڑا آدمی کو لے گیو
تے کہیو: میری مدد کر داند مناں مارے۔

آدمی: ہوں ٹر نہیں سکتا تیرے ورچڑھ کے چلوں گا۔

فر کے تھو، آدمی نی گھوڑا اور کاٹھی سٹی تے اُس کامنہ مالاگام بالائی۔

ہتھ ماری لے کے داندوی پکڑ آئیو۔

وہ دن ہے یوہ دن گھوڑا بارڈے تے داند کھلاڑے۔

۸۱۔ دولڑن آلال کو تیجانا فائد و وے

ایک دفعہ چوہاں تے ڈڈاں کی لڑائی ہو گئی۔ دوپاسوں ایک ایک پہلوان کھاڑا مانکلیو۔ ڈڈو تے تنلو ہو۔ دوسرے اک دو جانا چھو چپھیں پے گیا۔ دوسرے برادر میں تماشود یکھیں تھیں تے اپنا اپنا پہلوان واسطے دعا کریں تھیں۔ اتنا ماما ایک لُدھی بجلی ہاروں آئی تے پنجاں مادو سے پہلوان چایا تے اڈ گئی۔ دولڑن آلال کو تیجانا فائد و وے۔

۸۲۔ دندلو

کیری تے ہاتھی کی شادی کو دیہاڑا و بدھیو گیو۔ اک دن کیری نے چلتا پھرتاں کدے اپنو منیگت دیکھ لیو تے بیاہ تو مکر گئی گھر آلال نے کہیو: مہاری عربت کو سوال ہے، ہم نے رشتہ دتو وی ہے ہم نہ نہیں کر سکتا۔ کیری نے کہیو: ہوں مرنوں مر جاؤں گی وراس نال بیاہ نہیں کرتی گھر آلال نے پچھیو: آخر

کاتے وجہ وی تے وے گی۔

کیڑی نے کہیو: ہاتھی کا دنڈ بڑا بڑا ہیں۔ ہوں اس دندلانال بیاہ نہیں
کرتی۔

۸۳۔ غدّ ارتے دلش دروہی

نشتا کھوتا نادیکھ کے داند نے پچھیو: کیوں نسے لگو۔

کھوتو: اجکل گورمنٹ سخت ہو گئی تے کھوتا ناپکڑ کے قید کرے لگی۔

داند: ورہمنا کو تے نہیں پکڑتا اجکل۔

کھوتو: جناب تھاری گل ہو رہے

نویں سرکار نے پالیسی بدی ہے اجکل داند اتے گایاں کی موج
ہے۔ سرکار انہاں ناکھان واسطے پکی وی روٹیں تے تازہ بچل دے۔ جدکہ
ہم نا سرکار پکڑ کے جیل ماٹھوک چھوڑے تے کئیں سال عدالت مہارافیصلو
ہی نہیں کرتی۔ مہارا کئیں ساتھی جیلاں مایہ مر جائیں۔

یاہ سن کے داند نے سینگ چھنڈ دیا تے کہیو: اتوںس جا، ایسو نہ وے
تیرے نال گل کرتا نادیکھ کے ایجنسی آلامیرے خلاف وی رپورٹ کر
چھوڑ میں تے لوک مناں وی غدّ ارتے دلش دروہی کہن لگیں۔

۸۳۔ نظر آپنیں آپنیں پسند آپنیں آپنیں

ایک روز، گلڑ بیجاں مار مار کے دھرتی کھوترے تھو۔ مٹی و چوال رتو
چمکتو موتی دیسو۔ اس نے وہ غور نال تکیو۔ چُنج ماری تے پرال دھر کل
چھوڑیو، سرچھنڈیو تے کہیو:

ہووے گو قیمتی لعل میری کس کاری؟

موتی کے نال ہی کنک کو دانو پیو وی تھواں دردیکھتاں گلڑ نے
کہیو: میرے واسطے کنک کو دانو، موتی تیں ہزار درجہ بہتر ہے۔

یا کہیو تے گلڑ نے کنک کو دانہ چالیو تے موتی اتے رلتورہ تیو۔

چھٹ گھڑی بعد اتوں ایک لعال کو بخار و لنگھیو تے اس نے دوڑ کے
موتی چالیو۔ گلڑ دیکھ کے حیران رہ گیو تے کہیو:
نظر آپنیں آپنیں پسند آپنیں آپنیں

۸۴۔ کرامت

ایک جنوں مولوی کو وعظ سنن گیو۔ وہ وعظ سنناں ہرگل و رہس جائے تھو۔
مولوی نے اس پچھیو تو اس محفل ماکیوں آیو ہے؟ اس نے کہیو: ہوں تھاری

کرامت دیکھن آئیہاں۔

مولوی نے کہیو : اچھوو

مولوی نے پھیر کے اس کامنہ در چند ماری تے ونس گیو۔

مولوی نے دوبارہ منبر و رجاء کے کہیو : الحمد لله ہم کوئے کرامت نہیں دتنا
مگر ہم نے اس مخفل و چوں ایک شیطان باہر کڈیو ہے نہیں تے وہ کچھ ہور
لوکاں ناوی بر گلا کے اپنے نال لے جاتو۔

بھیکھ ۸۶

اک نوسرک کے کھنڈے کھلوروئے تھواں بزرگ نے پھیسو : پھیا
کیوں روئے لگو۔

نکو : میرا دس روپیہ گم گیا ہے۔

بزرگ : یہ لے دس روپیہ۔

دس روپیہ لے کے زور نال رون لگو۔

بزرگ : تیرا گمیا وی دس روپیہ میں دے چھوڑ یا ہن کیوں روئے لگو؟

نکو : یوہ پتو ہوتا تو جے تم مناں منہ منگیا روپیہ دیں گاتاں ہوں کہتو : میرا
پنجاہ روپیہ گم گیا ہے۔

۸۷۔ ٹپلو

ایک مقرر ہفتہ ماہی وار اک تقریر لکھے تھوڑے کٹ چھانٹ کر تو رہ تھوتے
 اُس نا یاد کر کے دو جا ہفتہ ماں لو کاں ناشناوے تھوڑے اس کی تعریف کریں
 تھا مقرر بلہمیں بجے کہہ چھوڑے تھوڑے اوپر آلا جو لکھاوے ہوں وہی لکھوں۔
 ایک دن کسے نے مقرر کی رفت کا پیچا کے دیکھ لی تے مقرر ناپچھیو : جناب
 اُن اُف کا پیور قم نے اتنا کاظما مریا وی ہیں۔ مناں لگے بجے اوپر آلو وی قم
 ناں تقریر سکھاتے ویلے بھل جائے تھو۔

مقرر کہن لگو : نہیں مناں ہی سنن ماٹپلو لگ جائے تھو۔

۸۸۔ روٹین

گنجو آدمی نائی کی دکان پر جامت آلی کرسی و رجا پیٹھو۔
 نائینے کہیو : جناب بال ہی نہیں تم نے کیوں تکلیف کی ہے۔ گنجو کہن لگو
 میری روٹین تھی۔ ہر مہینے جامت کراؤں تھو۔ وہ روٹین نہیں توڑنے چاہتو۔ یاہ
 کے رون لگ پیئو۔ نائی نے پینجی ہتھ مالی تے ایتویں ہی اسکا سر کی
 چنیمری پھیرن لگو۔

گنجو نے کہیو : یہا تیری پینجی کا چلن کی آواز کیوں نہیں آتی؟

نائی : جناب تمنا سار و پتوہی ہے۔

گنجو : اس نال تنا کے ہے تنا پیسہ پورا دیوں گو۔

پیاس کو نال سنتا ہی نائی کی انگلیں چل پئیں تے کرتچ کرتچ۔ گنجبا کا
سر کے چھیری تاولو تاولو ہتھ پھیرن لگو۔

گنجو : ہوں پیسہ پورا دیوں گو۔ جلدی مابال بڑاڑے کیوں؟
یاہ سن کے نائی نے روٹین کے مطابق کلگنگ کی فرضی مشق مکمل کی۔
وقت پورا، جامات ختم۔

۸۹۔ داڑھی تھاری، ہتھ میر و ہوتو

ایک منگلتا نے امیر کے اگے سوال کیو۔ امیر نے کہبیو ہوں داڑھی ور
ہتھ پھیروں گو جتنا بال ٹھہر کے ہتھ ما آیا۔ تنا اتنا ہی روپیہ دیوں گو۔ امیر
آدمی نے ترے دفعہ داڑھی ور ہتھ پھیریو مگر کوئے بال نہیں ٹھہڑھو۔ امیر نے
کہبیو تیری قسمت ہی خراب ہے۔ ایک وی بال نہیں آیو۔

منگلتا نے کہبیو : جناب ہائے افسوس! داڑھی تھاری، ہتھ میر و ہوتو۔

۹۰۔ بجاوے گوتے کھائے گو

بادشاہ نے میراٹی نا انعام مہا تھی ڈ تو۔

میراٹی نے سوچیو ہاتھی میرا کس کم کوتے الٹی مصیبت پئی اُس نے اپنے ڈھول ہاتھی کا گاناما کجھ اس رابدھیو بے ہاتھی کن ہلاوے تے ڈھول بنجے تھو۔ میراٹی اس حالت مہا تھی نا اپس بادشاہ کوں لے گیو۔ بادشاہ نے پچھیو یوہ کے ماجرو ہے۔ ہاتھی کا گل مائھوں۔ ہاتھی ہی ڈھول بجاوے۔

میراٹی: جناب ہوں ڈھول بجا کے روزی کماوں تھو، میں اپنے ڈھول ہی ہاتھی نادے چھوڑ یو ہے پیو۔ بجاوے گوتے کھائے گو۔

بادشاہ نے ہاتھی واپس لے لیو تے میراٹی نا ڈھول کے نال انعام وی ڈ تو۔

۹۱۔ خدمتِ خلق

کھبیو جاتے کہ ایک بس ڈرائیور تے زاہد ایک ولیے مریا۔ فرشاں ڈرائیور ناجنت مالے گیاتے زاہد دوزخ ماست چھوڑ یو۔

زاہد نے فرشاں نا پوچھیو یوہ کے معاملو ہے؟۔ ساری عمر ہوں وعظتے نصیحت کر تو رہتیو، فرمناں عذاب کیوں،؟

فرشته : تو اپنی روزی روئی کمان واسطے جس دیلے تو ععظت نصیحت
 کرے تھو تیری بے اثر تے بے فائدہ گلُّ سن کے لوک سو جائیں تھا، جدکہ
 ڈرائیور گرمی سردی مال گڈی چلاوے تے لوک اس نادعاء میں تھا۔
 سب تین چنگو وہی جھہڑ دخدا کی مخلوق کی خدمت کرے تے اُس کا کنبہ
 ناکوئے فائد و بہپاوے۔

۹۲ شرا کا

سیالاما تھپ لگی وی تھی کوسی کوسی تاڑ و راک سانڈ و مُندی چاکے انکا
 انکا دوڑے تھو۔

کوئے ہی ڈاہی و پیٹھی چڑھی نے کہیو: جناب کاۓ خاص گل ہے جے
 تم خوشی نال یہ تماشا کریں لاگا ضرور کوئے میدان ماریوے گو۔
 سانڈ و کہن لگو:

کسے ناکہہتے نہ،

مہار اُسکا شرا کاں ہی ہو ویں۔

ترے جنائی پیٹھی وی گل کریں تھیں۔ ایک بولی تے کہن لگی: اڑے
 میر و گھر آ تو تھصیلدار ہے۔

دو جي بولي:

اڑے مير و گھر آلو تھانيدار ہے۔

تھي جنانی چپ رہئي۔ دو جي دوال نے پچھسو:

اڑے تير و گھر آلو کے کرے؟

اس نے کہيو: اسکے اگے وی ”دار“ ہے پچھے کو پتو نہیں۔ (درالص تھي
جنانی کو گھر آلو چوکیدار تھوڑا س نے شرم کامار یاں اس را کہيو)۔

۹۲۔ کتبري

جواني کے آئی ہے بے بھائی بھائی کو ویری ہو گیو۔ دو گلڑوںڈا کھلن
لگ گیا۔ دراصل وے اپنی اپنی طاقت دس کے گماڻا یاں ور ر عب جماو میں
تھا۔ گلڑ چوڈنکھی دنال تین چلے تھی ور ایک دن دینبھہ چڑھتاں ہی دوستے
 مقابلہ ما آگیا۔ گلڑیں کھل کے تماشود بیکھیں تھیں، یاہ کمزور ارادہ آلی مخلوق ہمیشہ
جیتن آلا کوسا تھا دیے۔

دوئے گلڑوںڈا ایک دو جانا ہر ان کی کوشش ماتھا کرتاں کرتاں،
رتو گلڑوںڈا وجیت گیو تے چٹوبار کے نس گیو۔ فر رتو فخر نال ایک دیوار ور چڑھ

*کتبري يعني تکبر

کے اپنی فتح کو اعلان کرے تھو۔ گڑ گڑ، گڑ گڑ، اسے دوران ۔۔۔
او پراؤ تا شہباز نے موقع کو فائدہ چایو، بھلی ہاروں ٹٹ کے آیو تے اس
ناچالے گیو۔

۹۵۔ اسلام ماداڑھی ہے داڑھی ما اسلام نہیں
ایک ملاں کی چونڈی ایک داڑھی، صرف ٹھوڈی ورقابن تھی تے
کھکھاڑی نسوائی حسن کولوں داد منگیں تھیں۔ پتلیں پینی مُجھاں ناملاں اپجو پکڑ
کے جڑ تین کڈ چھوڑے تھو۔ داڑھی، داڑھی ہو وے پانویں بال دوہی کیوں
نہ ہو ویں۔ ملاں روز بکنگھو پھیرے تھو وراس کی داڑھی کنگا کو بھار نہیں چہل
تھی۔۔۔ نالے ہی ملاں لوکاں ناداڑھی رکھن کی تعلیم دے تھو : ”داڑھی ما
اسلام ہے۔“

ایک دن کچھ ان داڑھیا جناں نے صلاح کی۔۔۔ تے وے باری باری
باری باری ملاں کولوں داڑھی کو ایک بال تبروک منگن گیا۔۔۔ فر کے تھو۔
ملاں ساد و جنوں تھو، جہڑوا سکو کولوں داڑھی کو بال منگ تھو ملاں ہٹو فٹ
کھو دے تھو۔

ہو یو اس راجہ ہفتہ کھنڈ ما ملاں کی داڑھی کو صفائی ہو گیو۔

تے شیشوتک کے کہن لگو:

اسلام ماداڑھی ہے، داڑھی ما اسلام نہیں۔

۹۶۔ شہر ما او پرو جنوں

ایک سادو جنوں شہر ما بھل گیو تے گلی کی نکرورد کان کے باہر کھلا کیا وی
زنانہ پُنلا دردیکھتاں پچھن لگو:

بہنے بس آڈا درکھڑ ورہ جاتے۔

جواب نہ بھو۔۔۔

کہن لگو: بہنے بولتی کیوں نہیں۔

یاہ سن کے مالک اندروں باہر آگیو تے بولیو:
کے پُچھے تو اس نا؟ بھائی تو کوئے اوپرو چوپرو دسے۔ یاہ بہن کے
وی اوپرا چوپراں جناں نال گل نہیں کرتی۔

۹۷۔ مالک نے کھوتا کولومعافی منگ

مالک نے کھوتا لڑوں لا یو وی بزارو جوں لنگھے تھو۔ جگہ جگہ ریڑیاں ور
سزیں، بچل رکھیا وی تھی۔ بازار مارونت ہی رونق تھی۔ دل ہی دل ما کھوتا

سوچن لگو: ایسا نظارا میں کدے نہیں تکیا، کدے مالک مناں اتے ہی چھوڑ
جاتے۔ ہوں یہ کیلاں کا چھلڑا ہی کھا تو رہوں تے میرے واسطے زور ہیں، بزار
کی یاہ رونق تک کے اج پہلی واردل خوش ہو یو ہے۔

کھو تو یاہ سوچ کے بڑے گیو۔ مالک اگاں چھکے تے کھو تو پچھاں زور
لاوے۔ مالک نے زور پھٹکیو ور ایک قدم نہ پیو۔ تنگ پے کے مالک
نے کھو تو مارنو شروع کر لیو۔

کھوتانا مار پیتاں دیکھ کے لوک جمع ہون لگ گیاتے ہر پاسوں آواز
آن لگی: او بھائی اس بے چارہ شریف جانورنا کیوں مارے۔

جس ویلے لوکاں کو دب دبادھ گیو۔

مالک نے چھانٹ پھینکی تے کھوتانا ہتھ بن کے کھیو:
مناں نہیں تھوپتو، تم اتنا بڑا قبیلہ برادری آلا ہیں۔ مالک نے کھوتا کولو
معافی منگ۔

۹۸۔ پہلا چھٹ

لئی نے چوہاں نا کھیو: تھاری ہر ویلے کی آؤ جائی نال میری عبادت ما
خلل پے۔

تم سویرے شام قطار بنا میرے اگے تو سلام کرتاں لنگھ جایا کرو۔
 اس را بلی آسانی نال قطار کا آخری چوہا ناپکڑ کے کھا چھوڑے تھی۔
 دیہاڑ و دیہاڑی بلی موٹی ہون لگ گئی تے چوہاں گھٹن لگ گیا۔
 ایک سیاںو چوہو باقی آلاں ناکھن لگو : یاہ رسم چھوڑو، قطار توڑو۔ بلہیں بلہیں
 چوہاں نایا گل سمجھ آگئی۔ چوہا جلوس کی شکل مابلی کو لے گیا۔ بلی مورتی بن کے
 دیکھتی رہ گئی تے دل ہی دل ما کھہتھی : ہائے افسوس کت گیا پہلا چھٹ۔

فیشن ۹۹

اک جوان تر اجا تک نے لماں رکھ لیا تے آوارہ گردی کرن لگ گو۔
 باپ نے اس ناکھیو : بال کمزرا چھوڑ۔

جا تک نے باپ ناکھیو : تم میرا بالاں کے پچھے کیوں پے گیا ہیں؟
 وے تھارو کے گماویں۔

باپ نے کھیو : ہور تے کجھ نہیں ورلوك تناں کڑی سمجھ کے مہارے
 گھر رشتو منگن لگ گیا ہیں۔

۱۰۰_ دو جنانیاں آلا کو حشر

اک پکی عمر کا جناء نے جوان جنائی نال دو جو بیاہ کر لیو۔ اس کی جوان

جنانی چاہوئے تھی بے وہ جوان ہی لگتُورہ تے اسکے برخلاف پکیری عمر آلی
جنانی چاہوئے تھی بے وہ بزرگ ہی لگتُورہ۔ اس راوہ جنوں گھر اٹ کا دوپڑاں
کے نجھ کار پھس گیو تھو۔

جس دیلے وہ جوان جنانی کو لے جائے تھو و است کم سٹ کے پہلاں
اپجو پکڑے تھی تے اسکی داڑھی و چوں چھٹا بال چُن چھوڑے تھی۔ اسے
را جس دیلے وہ جنوں پکیری عمر آلی جنانی کو لے جائے تھو و اس کی داڑھی کا
کالا بال چُن کے کڈ چھوڑے تھی۔ فراغے کے دیسے بے دو جنانیاں آلا
کو کے حشر ہو یو؟

کجھ دنال تیں بعد جناں کی داڑھی کو صفائیو ہو گیو۔

گوجری انسان ہے

ا۔ جنت تے دوزخ

پھیر، کال مونہی مخلوق ہے، بگیاڑ جسی شکل تے اس کی اکھاں و پجوں
 شعلہ تے چنگاری برہتی رہیں۔ جس پاسے جائے نیلا رکھاں ناں ساڑ کے جھی
 کر چھوڑے، دنیں دُپھریں صاف پانی کی بلگتی نہ راں ناپٹ چپٹ کے
 سکا چھوڑے۔ صاف تے شفاف ڈاباں ماسُسرست کے انہاں ناگیند لیں
 کرتو رہ۔ محبت کی مسیتاں ناملیا میٹ کر کے انکی جگہ نفرت کی کند چاڑھتو رہ
 قوماں نا آپسی نفرت تے تعصب کو سبق دیتو رہ۔ جت دو آدمی ہستا کھیڑتا
 دیں انکے بچھکا رشک کو چھاملو بن کے کھلو ہو جاتے تے بلہیں بلہیں اگ کا
 بھاہبڑ بن جائے۔ جاہل لوگ پھیر کی سواری ہیں، ان کا دلال وریوہ راج کرے۔
 برائی، جھوٹ، دغو، فریب، چھل، نا انصافی وغیرہ پھیر کا کتنی دوست ہیں۔

بخلی، پھیر کی تکنی بہن ہے یا ہ پھیر کی طرح باندے باچھر ہمیں آتی، بلکہ
 پردہ تے نقاب مارہ کے مندا کم کرتی رہ۔ بخلی، بے جرأت تے کمزور ہے،
 اگ اسکی ماں ہے، تے گرمی اس کی جوانی ہے۔ زکا ہوتاں یا ہ مج مشوم لگتی

رہ، تے اس نالوک "ریس" کہیں، جوانی ما پچھے تے اسکا ہر انگ و چوں اگ بر، ہن لگے، ہسٹر، ساڑو، کاہلی کلہت، سوڑ پر سے، اس کے نال نال ریں بخیلی دو سجاد و ستائ، دو پیکی سہیلیاں، دو سگا بھائیاں تے دوجیدی بہناں کے نچھکار ڈنگی کھات بن جائے بخیلی پہانویں کمزور ہے، ور اس کو بڑو بھائی پہبیڑ حمایت کر تو رہ۔ ہر مندا کم ور اس ناشاوا دی تو رہ، کنجوی، خود غرضی، بُزدلی، مایوسی اسکی سنگن ہیں۔

کئی موقعاء ور پہبیڑ تے بخیلی اکٹھا ہو جائیں بخیلی، اپنا جیدا بھائی ناشے دے کے آپ اسکی کند پچھے چھپ جائے۔ اگر چہ اندر ہیری راتاں ما۔۔۔ بدمعاشرائی ور پہبیڑ تے بخیلی کوراج ہے۔ ور پوہ بھٹتاں ہی نیکی تے بخشش کی جھال دیکھتا ہی دوالا کا اتران ٹٹ جائیں۔ جد دنیا ور نیکی تے بخشش کو دینہ بھے چمکے فر پہبیڑ تے بخیلی دوئے، الی شام تک کسے کھنڈ یا کھپا مامنہ لکوتا ریں۔ پہبیڑ تے بخیلی، لکھ دیر ہی ور یہ نیکی تے بخشش کو کدے مقاولو ہیں کر سکتا۔ کہیں بے قیامت کے دیہاڑے انہاں دوالا کی مُنڈیں تے دھڑ بکھ بکھ" کر کے دوزخ کی اگ ماسٹ دتا جائیں گاتے نیکی تے بخشش ہمیشہ واسطے بہشت کو زیور بن جائیں گا۔ اس را آخر ما پہبیڑ تے بخیلی کو مُنڈھ "جھوٹھ" ختم ہو جائے گو تے نیکی تے بخشش کا باپ "سچ" کو راج ہووے گو۔ اس را لگے بے یاہ ہی جنت تے دوزخ ہووے گی۔

۲۔ کھی تے کيری (مکالمہ)

ایک دفعہ ایک مکھی نے کیری ناکہیو: واہ کھڑی محفل ہے۔ جس ماں ہوں نہیں حاضر ہوتی۔ واہ کھڑی نعمت ہے جہڑی میں نہیں چکھی۔

یاہ سن کے کیری ہس ہس کے بٹھی ہو گئی تے کہیو: سچ تین کائے چیز نہیں چھوڑی۔

مکھی: مناں خدا نے سوہننا سوہننا پر دتا وی ہیں تے تو دھوڑ ماز لتی رہ۔

کیری: تیری صورت مکھیاری آلی ہے ور تیری سیرت گند کی کا کیرا تین وی مندی ہے۔

کیری: ہوں زاہدال کی طرح محنت کی روزی کھاؤں۔ ٹوں مفت خوراں ہاروں آپے ہی دعویاتاں مادوڑتی رہ۔

مکھی ناکوئے جواب نہیں سریو، تی ملیں تے منہ ور ہتھ پھیر کے اڈگئی۔

۳۔ خوشامد (مکالمہ)

امیر آدمی نے اک خوشامدی جنان نا چھیو: میری تی ور بال کیوں نہیں ہیں؟

خوشامدی: خیرات کرتاں کرتاں بال گھس گیا ہیں۔

امیر آدمی : ہوراں کی تلیاں ور بال کیوں نہیں ہوتا؟

خوشامدی : خیرات لیتاں لیتاں بال گھس گیا ہیں۔

امیر آدمی : جھڑ اخیرات نہ لیں نہ دیں انکا ہستھاں ور بال کیوں نہیں ہوتا؟

خوشامدی : تلیں ملتاں ملتاں بال گھس گیا ہیں۔

یاہ سن کے امیر آدمی نے خوشامدی کی تلی و رانعامت دھریو۔

۲۔ چپر کلس

پرمٹا کھن لگا : مہاری جگہ اکھاں ور متحا کے منڈھ۔ مجھ کھن لگیں : مہارو مقام لعل جسا ہو ٹھاں کے او پروے۔

پرمٹاں نے مہنبو ماریو : تمنالوک جھم چاڑھیں یا استرو بکڑ کے مُنتبا وی دیکھیا۔

پرمٹا کھن لگا :

ہر منڈھ بآلہ مہاری قدر کرے۔

مجھاں نے کھبیو : میوے دار بولائ کی شاخ کپی جائیں جنگل جاڑاں ما جنڈاں نا کون ہتھ لاوے یاہ سن کے پرمٹا مجھاں نا مارن واسطے بُناں

لمنکیا۔۔۔ مجھاں نے وی جوانی کارروائی واسطے اپنا سرا افراں چایا۔۔۔ لڑائی کو ماحول بنتا دیکھ کے خدا نے نک نجھ کا رکھلو یکو تے اکھاں نا کھبیو تم ان دوال کو دھیان رکھیو۔

ان دو سنتریاں کے ہون کے باوجود مجھ سوچیں بھے کدے دوا کھہم نا موقع دیں تے ہم پر مٹانا جڑوں پٹ چھوڑاں تے پر مٹاں سوچیں بھ کدے نک کدے آسے پاسے وے تے تم مجھاں ناچُن چُن کے صاف کر چھوڑاں۔ روز ہی یا چپکلس چلتی رہے۔

۵۔ لوکاں نادھو کھولگتھو رے

(خیال ماخوذ)

کھبیو جائے بھے خوبصورتی تے بد صورتی دو بہن تھیں۔ بد صورتی خوبصورتی تیں اندر و اندری چڑھے تھی بھے سارا اسے ناکیوں پنڈ کریں۔ بد صورتی چالاک تھی تے خوبصورتی سادھی تھی۔ اک دن واہ خوبصورتی ناکہن لگی: اڑے آج سیر کرن ماہیاں در چلاں۔۔۔ تے دوئے چل پئیں۔ اُت انہاں نے صاف پانی کو اک سر دیکھیو۔ دوال نا اسکوموئی جھوٹکتو پانی سوہنوا لگو۔ بد صورتی نے کھبیو: اڑے آدوئے اس مانہالیاں۔ اپنا اپنا کپڑا الا کے

کھنڈے دھریاتے دوئے ہن نہان لگ پئیں۔

نہاتاں ہی بد صورتی بہلی بہلی باہر نگلی تے اپنا مندا کپڑا اتے چھوڑ کے خوبصورتی کو سوہنولباس لا کے نس گئی۔ بیچاری خوبصورتی نے اپنوتن ڈھکمن واسطے مجبوری مابد صورتی کو چھوڑ یو وی مندولباس لا لیو۔ وہ دن تے یوہ دن ہے جے لوکاں نادھو کھو گلتے رے۔

۶۔ سیاہی لگن نال، ہی کاغذ کی قیمت ہووے۔

کورا کاغذ و سختی آئی تے کھن لگو میر و برف جسو چھٹو پنڈو ہے کے مجال ہے کوئے پین یا پنسل اپنی مندی چخ نال مناں کا لو کرے۔ یا گل سیاہی آلی دوات نے سُنی تے اپنا کالا دل ماں ہسی۔ روشنی کی اک رسم یا کرن ہر پاسے کھنڈ گئی۔ اسکو چکارو دیکھ کے وی کاغذ ناراز کی یا گل سمجھنہ آسکی جے علم کونور سیاہی کے اندر چھپیو وی ہے۔ کاغذ ضد و راڑ یو رہسو۔ نہیں ہوں سیاہی نال سنگت نہیں کرنا چاہتو۔ پہاں پیاں کاغذ بود و ہو گیو۔ تے اسکو چھوڑنگ وی اڑ گیو۔ آخر کسے نے چکیو ارت پرت کے دیکھیو تے ردی کی ٹوکری ماسٹ چھوڑ یو۔ فردیکھتاں ہی دیکھتاں یوہ گندگی کا ڈھیر ماجا پچھیو۔ آخر ماں ناراز کی گل سمجھ آگئی جے کونکور وہنودی اک عیب ہے تے سیاہی لگن نال، ہی کاغذ کی قیمت ہووے۔

کے گئی وی خوشی

بُدھیر کی عینک گنوگی۔ اس نے عینک دھرن کی ہر جگہ لوڑی۔ دل ماکنی
ٹھسٹا پتیا۔ سوچیو خورے کوئے اپنے واسطے چالے گیو۔ ناامید ہو کے بیس رہیو
اس کی اکھنا ہجھر ک لگی۔ شہادت کی انگلی نال اکھمن لگوتے واہ عینک نال جا
مکرانی کہن لگوا چھا۔۔۔۔۔ عینک یاہ اتنے ہی تھی۔ اینویں ہوٹھے لوڑ تو رہیو۔
وسوچ ماذب گتیو۔ یاہ گل مشہور ہو گئی، کسے سیانانے سُن کے کہیو۔

کسی ناخوشی کی تلاش ہووے تے وا بھی گنوی وی عینک ہاروں کئی
داری اپنے ہی کولوں تیں لجھے۔

۸۔ ز میں نا ہور زور نال کھنو ترو

گلکڑی کے نال نکا نکا بچہ پھریں تھاتے کہن لگا:
چوگ گھٹ گئی ہے ہن کے ہووے گو۔
گلکڑی نے کہیو: چوگ گھٹ گئی ہے تے ز میں نا ہور زور نال
کھنو ترو۔

۹۔ خوشی تے غمی

برف جبھی چھٹی خوشی پیدا ہوئی تے ہر پاسے اس کی لوگی۔ کا لکھ رات جبھی

کالی غمی پیدا ہوئی تے ہر چیز اندھیرا مامچھپ گئی۔

نکاں ہوتاں دوئے سنگ ریں تھیں اک تحالی ماں کھاتی رہیں ورجوان
ہوتاں ہی خوشی جنت کو باغ ہو گئی تے غمی دوزخ کو سڑیوں کی بیابان۔ ور
دوئے اک ہی دل کا شہر ما آباد ہیں بہت گھٹ لوکاں نایوہ تھوہ ہے بے
انہاں کی کنڈوی جڑی وی ہیں۔

۱۰۔ شاعر تے عالم

(خیال ماخوذ)

شاعر نے ڈاہلی وربیں کے گاتاوی بلبل ناکہیو اپراپرہی اڈ تو تے گا تو
رہتاں زمین کا خزانہ کو کجھ پتو نہیں۔

بلبل نے کہیو : ورتووی اڈتے گا نہیں سکتو۔

سپ نے کہیو : منا اسا اسا موتیاں تے لعلائ کا بھید پتے ہیں بے اگر
باہر کلڈ لیاں تے دینہہ تے چن وہ ان کی چہاں نہ چھملیں۔ تے انکی روشنی ما
نہما کے ساری مخلوق نورانی ہو جائے

بلبل نے کہیو : ورتووی اڈتے گا نہیں سکتو۔

لطائف

۱۔ چوراں ور مور

چور ایک گھر ما چوری کرن بڑھیو۔ اس نے اپنی چادر ڈاہی تے چیز
لوڑن لگ گیو، چرتک لوڑ تو ریبو غاص کجھ وی نہیں لبھیو۔

سوچیو ہن چادر ہی چک کے جاؤں۔ مڑ کے چادر چان لگوتے کے
دیکھئے؟ بے اس ور ایک جنوں ستودی ہے۔ چور نے سوچیو: چادر چھکتی تے
پکڑیو جاؤں گو، آتوں بلہیں بے کھسک گیو۔

دراوازہ و چوں باہر نکلے تھوتے جناں نے کہیو: یہ ادراوازہ و مار جاتے۔
یاہ سنئی تھی چور نا نستانا را نہیں لبھو۔ چوراں ور مور تے موراں ور ہور۔

۲۔ میر و مسلک ہور ہے

ایک گلڑ بونا ور بیٹھو وی بانگے تھو گنیدڑ نے سوچیو، اس نا بُنہ کس را
لا ہوں۔

کہن لگو: نماز کو ویلو آج ماعت کر لیا۔

اتنا ما کسے پاسوں شیر گختو آنکلیو۔

گیدڑس ن لگ پئیو۔

نگڑ نے کہیو: تو اقامت، کہو ہوں وی ٹھلوں۔۔۔ امام آگیو ہے۔

گیدڑ نے نتال ما کہیو: میر و مسلک ہو رہے ہے۔ میری نماز اس کے پچھے
نہیں ہوتی۔

۳۔ کھتری بچو کجھ تک کے ہی ٹھہرے

بھریا بزار ما کے تھائی ایک سکو پئیو وی تھو کھتری بچہ کی نظر اس در
پے گئی۔ سو چیو جے اڑ کے چاؤں گوتے لوکاں ناشک پے گو، ہو سکے کوئے کہہ
جے یوہ میر و ہے۔ یاہ سونچ کے وہ سکہ کے اپر کے ٹھہرے گیو۔ لوکاں کی نظر تین
بچ کے سکو چالیو۔ ورایک آدمی تاڑ گیو تے کہن لگو: کھتری بچو کجھ تک غے ہی
ٹھہرے۔

۴۔ شیطان

اک جناں نے خواب ما شیطان دیکھیو، کسے نے لمی داڑھی رکھی وی
تے جناں کے سامنے آن کھلو ہو تو تے کہیو: ہوں شیطان ہاں۔

جناں ناہر چڑھگئی تے کہن لگو: تو داڑھی رکھ کے لوکاں گمراہ کرے، اج تنا
نہیں چھوڑ تو۔ جناں نے آدیکھیونہ تا دیکھیو، اک ہتھ ماداڑھی پکڑی تے دو جا

نال منہ در تاز تاز چند مارن لگ پتیو۔

چند اس کی آواز سن گے جناں کی اکھ کھل گئی۔ دیکھیو تے اس کا ہتھ
ما پنی داڑھی تھی۔

۵۔ ٹھیڈنگ

اک جنوں پر دیس تیں مریو تے دوستاں نا چلتاں پھرتاں ما سفر کا
حالات تے واقعات سناوے تھو:

میں کوہ قاف ما جا کے سیمرغ تکیو، ایک سال خواجہ خضر نال رہیو،
پاگل ہاتھی پکڑ کے بدھ لیو، میں کابل کا شہر ما چھال کا مقابلہ ما چونی گز لمی
چھال ماری۔ یا ہگل کرے تھو۔ بے اتفاقاً اگے کھائی آگئی۔ دوست پاسے
ہو گیا تے اس نا کہن لگا: ہن تو ہی چھال مار کے پار چڑ سکے۔ ہم اتے کھل
کے تیر و تماشوت کاں گا۔

یا ہن کے اس نے کہیو: وے جوانی کیں گل ہن کہت واگل؟

۶۔ ایف ڈی

اک منگتا نے بڑی منت تے عاجزی کی۔ امیر آدمی بہت کنجوس
تھو۔ آخر اس نے دورو پیہ کڈ دتا۔ جاتاں جاتاں اس نے منگتا نا پچھ ماریو:

تو اس رقم نا کے کرے گو؟

منگلتا نے کہیو؟ جناب ہوں سو بجول جے یاہ رقم گورنمنٹ ناقرضو دے
چھوڑوں یا کوئے زمین کو ٹوٹ لے لیوں۔ اچ توڑی بینک ما ایف ڈی کر ان
چلیوں ہاں۔

کے۔ یوہ چند وہم غریبیاں واسطے ہی کراں لگا

غریبیاں واسطے چند و کرن آلی اک جماعت، کسی کنجوس امیر کو لے گئی تے
تھیلی اگے رکھی۔ امیر جماعت نے کہیو:

جناب تم وی اس تھیلی ما کجھ با چھوڑو۔ کنجوس امیر کہن لگو: میرے کو لے
تے کجھ وی نہیں ہے دین واسطے۔ امیر جماعت ہڑو حاضر جواب تھوکھن لگو:
جناب اگر تھارے کو لے کجھ وی نہیں ہے تے اس تھیلی وچوں کجھ روپیہ کلہ
لیو۔ یوہ چند وہم غریبیاں واسطے ہی کراں لگا۔

۸۔ چالی جناب دوڑا دوڑا کے ماریا

اک جنوں کہن لگو: میں چالی جنوں دوڑا دوڑا کے ماریو۔ کسے سیانا نے
پچھیو وہ کس را۔

جناب نے کہیو: وے مناں مارن آیا تھا۔ تے ہوں نس پیو۔ وے

میرے پچھے دوڑتارہیا تے ہوں ہور ہونستور ہیو، آخر وے تھک ٹٹ کے لما
پے رہتیا سنن آلوہس گیو تے کہن لگو : چنگلو کیو، تین چالی جناں دڑا دڑا کے
مار چھوڑیا۔

۹۔ تکیا میں وی نہیں دگڑا دگڑا کی آواز آوے تھی

اک بندہ ناگپ مارن کی عادت تھی۔ اک دن کہن لگو : اج میں جنگل ما
رچھاں کی ترندی دیکھی۔ کسے سیانا نے ٹو کیو: ریچھ بھیڈ بکری تھوڑا ہیں بھے
ترندال کا ترندال کھا پھر میں تھا۔ بندہ نے جھک کے کہیو: اٹھ دس تے تھا ہی۔
سیانا آدمی نے فرٹو کیو۔ وے ریچھ تھا کوئے مہیساں کو چھکو تھوڑا تھوڑا
بندو کہن لگو : یا اسچی گل پچھے تکیا میں وی نہیں، دگڑا دگڑا کی آواز آوے تھی۔

۱۰۔ شراری نکو

ایک دن استاد نے پچھیو: جس نے کائے نیکی کی ہے وہ اپنے ہتھ کھلو کرو!
اک شراری بچہ نے سب تین پہلاں ہتھ کھلو کیو۔
ماسٹر نے پچھیو چلو، اسے کولوں پہلاں پچھے لیوں۔
ماسٹر: دس تین کے نیکی ہے۔

جا تک: ماسٹر جی اک دن اک بڑھو گذی پکڑن واسطے دوڑیو وروا

اُس تیں پہلاں ہی ٹپ کی۔ مناں اُس بُڈھا و رحم آیو۔ تے میں اپنے کتوں
کے کاٹھلا یو۔ ماسٹر گھن لگو، خدا یا خیر، فر کے ہو یو۔

جاتک: جناب وہ بُڈھو اتو تیز دوڑ یو جے گڈی تیں وی گنگھ گیو۔ فر بُڈھا
نے ہتھ دِ تو تے گڈھی ور بیس کے چلیو گیو۔

۱۱۔ دو گھنٹہ گپاں مالگ جائیں گا

ایک استاد نے پچھیو۔ اگر ایک عورت ایک کم نا ایک گھنٹہ ما کرے
تے دو عورت اس نا کتنا گھنٹاں ما کریں گیں؟

شاگرد نے کہیو: ڈھانی گھنٹہ ما

استاد: وہ کس را؟

شاگرد: جناب، ادھا گھنٹہ ما کم کر چھوڑیں گی تے باقی دو گھنٹہ گپاں ما
لگ جائیں گا۔

۱۲۔ گلکڑی کو بچو

استاد نے شاگرد نا درڈ کے کہیو:

اوگلکڑی کیا پہچیا تیں سبق کیوں نہیں یاد کیوں؟

شاگرد بڑا حاضر جواب تھواں نے کہیو:

جناب ہوں کس را گلگڑی کو بچو ہو سکوں۔ سو یے اٹھ کے با نگ تم دیں
تے گلگڑی کو بچو ہوں ہو گیو؟۔

جناب فرم خود ہی دسو : گلگڑی کو بچو کہڑو ہے؟

۱۳۔ تو پہلاں وی بکری تھی ہن وی بکری ہے
اک سینی ناکتی دن ماس نہیں لبھو تھو۔ سو چیواج وے نہ وے ماس
کھانو ہے۔ اس نے چھری چاکے اپنی شکاری کتی کا گانا اور رکھی کہن لگو: او
بکریے! تیں کتی آئی شکل کیوں بنائی وی ہے۔ تو پہلاں وی بکری تھی ہن وی
بکری ہے۔ تے نال ہی گاؤ کپ چھوڑ یو۔ بد جنوں جد بدی ورآوے، کوتے نہ
کوتے بہانو بنائی لے۔

۱۴۔ کس را ٹھہرے گیو تھو؟

نبوچو کو ٹھا اور ووں ٹھہرے گیو۔

ماں نے دوڑ کے چایو تے پیچھن لگی : ہوں گھمان ہوؤں ہاتے ہائے تو
کس را ٹھہرے گیو؟

بچہ نے کہیو : اماں مناں بلی وردھرتاں بھے ہوں فرٹھہ کے دسوں۔

ہوں کس را ٹھہرے گیو تھو؟

۱۵۔ مشکری

اک جنائی لوہار کو لوں تکو سدھو کرا کے گھر جائے تھی۔ کسے نے مشکری کی۔
افسوں کدے ہوں بھی تکو ہو تو۔

جنائی نے کہیو: بفرتے ہوں آپے ہی تر پڑ مار مار کے سدھو کر لیتی۔

۱۶۔ فرمیر و بسر کرت ہے؟

دوا فیمی اکٹھا لیتیا وی تھا۔ ایکن کا بسر ما گھر ک لگی تے وہ دو جا کو بسر
گھر کن لگو۔ دوجو فیمی بولیو: اورے تو میر و بسر گھر کے لگو۔

پہلو فیمی بولیو: اگر یوہ تیر و بسر ہے تے فرمیر و بسر کرت ہے؟

۱۔ جنت کو ٹکٹ

جنوں ٹکٹ کلٹن آلی جنائی کو لے گیوتے مذاق نال کہیو: جنت کی ٹکٹ
لبھ سکے؟

جنائی نے کہیو: ہاں سور و پیو کڈ۔ جناب نے سور و پیو دتو۔ جنائی نے سور
و پیہ کی ٹکٹ دتی تے کہن لگی: یاہ لے ٹکٹ تے فلاں گڈی ور بھیں جا۔ جس
تھائی کرایو مک جائے گو۔ اُس تیں اگے جنت کو سفر پیدل کرنو پے گو۔

۱۸۔ پڑول مکوتے آرام آجائے گو

جنانی نے ڈاکٹر نافون و رہن لگی: ہمیلو ہیلو۔

ڈاکٹر: جی بولو کیا پر اب لم ہے؟

جنانی: میر وکٹو پڑول پی گیو ہے

ڈاکٹر: وہ کس را؟

جنانی: شیشی ما پڑول دھریو وی تھو گٹوپی کے چونچ کرے گو۔

ڈاکٹر: پڑول مکوتے آرام آجائے گو۔

یاہ کہہ کے ڈاکٹر نے فون کٹ چھوڑ یو۔

۱۹۔ قرآن ورول قرآن لنگھ سکے

ایک جنوں مسجد ماستو وی تھو، قاضی اُس کے اپروں لنگھ گیو۔

پہلو جنوں نے ناراض ہو کے کہیو: توں میرے اپروں بیوں لنگھیو
ہے؟ تناں پتو نہیں؟ بے تاوی آدمی ورول لنگھنو قرآن ورول لنگھن کے
برا برا ہے۔

قاضی: اگرستو وی آدمی قرآن کے برابر ہے۔ تے فرجا گتو آدمی وی

قرآن کے ہی برابر ہو دے گو۔ فر کے ہو گیو جے بھ تیرے دروں لنگھ گیو؟
کہن کو مطلب تھو بھے قرآن دروں قرآن لنگھ سکے۔

۲۰۔ اشارو

ریل مانیٹھو وی میراٹی لوکاں ناہماوے تھو۔ اتنا ما ایک سٹاپ ور ریل
رکی تے ایک فوجی وی اسے ڈباما آن بڑھیو۔ فوجی نے اگے پچھے نظر ماری
تے میراٹی کمزور سمجھ کے زبردستی اٹھایا تو اسکی جگہ بیس گیو۔ میراٹی نا
کھنڈک چڑھنگی ور کجھ نہ کہہ سکیو۔

کسے مسافر نے میراٹی نا پچھیو تو کتوں آیو ہے تے کہت جانو ہے؟
میراٹی نے کہیو: ہوں نو سالاں تیں بعد گھر چلیو ہاں، میرے گھر پوت
جمیو ہے اس کو سکن منانو ہے۔

سارا مسافر ہنس لگا۔ کسے نے کہیو: تو ایسا حرامی پوت نا کے کرے گو؟
میراٹی نے کہیو: پڑھاؤں لکھاؤں گو بڑو ہو یو تے آپے ہی فوج ما
بھرتی ہو جائے گو۔

اس کو اشارو فوجی ناوی سمجھ آیگو۔

۲۱۔ پاگلاں کی دنیا

پاگل خانے مایک شخص نے نبی ہون کو دعو و یکوتے مج سارا پاگل اپنا
حلقه میں شامل کر لیا۔ ایک دن وہ ایک رکھ کے تھلے بیس کے سمجھ پاگلاں
ناں کہتے تھو۔ خدا تعالیٰ نے میرا اور کتاب وی نازل کی ہے۔

اسے دیلے اس بوٹا وروں آواز آئی: یوہ شخص جھوٹو ہے اس ورایمان نہ
لیا یو۔ میں اس ورکائے کتاب نہیں نازل کی۔

تھلے تین ایک پاگل نے کہیو: توں کون ہے۔

بوٹا وروں آواز آئی: ہوں خدا ہاں۔

پچھیو: بُخْ کیوں نہیں لہتو؟

اپروں آواز آئی: نبی مناں مارے گو۔

یاہ گل سن کے ارال پرال پھرتا پاگل ہسن تے نچن لگ گیا۔

۲۲۔ باپ دادا کو ناں

ایک گنتب فروش پھٹی پرانی کتاب ناجلد ساز نادے تھو جلد ساز نا گنتب
یعنی کوشوق تھوتے وہ ہر کتاب ورکائی چاڑھن تین پہلاں اس نا پڑھے وے
تھوتے اپنی سمجھ کے مطابق اس ورکائی مار چھوڑے تھو۔

ایک دن اس کوں قرآن کوشخو آیوتے نعوذ باللہ اس نے اس وروی کاٹا
مارچھوڑیا، اسے اشنا مامکتب فروش دوڑ تو آپس بھیو اس نے کہیو تیں اس کتاب
ورکاٹا نہیں مارنا تھا۔

جلد ساز نے کہیو: میں اس نا ہو رکھ جھ نہیں کیو۔ بس نمرود، فرعون، شیطان
وغیرہ کی جگہ، کدے اپنا باپ دادا کوتے کدے تیرا باپ دادا کو نال ککھ
چھوڑ لیو ہے۔

۲۳۔ داند بیان آلو

ایک جنال نے دو جا جنال نا کہیو: برا آداند بیالیاں
دو جو جنو: نہیں ہو نہیں بٹا تو، بعد و (اوپری) دے
پہلو جنو: برا تیر و داند کوئے حاج تھوڑو ہے۔ نہیں بٹا تو تے نہ بٹا۔

۲۴۔ لوکاں نا پھا قے مارن آلو

رمضان کو چین چڑھیو تھو۔۔۔

ایک آجڑی نے دو جانا کہیو: اورے وہ دیکھو
دو جو آجڑی: کے دیکھوں
پہلو آجڑی: وہ بوٹا کے وچوں دمڑکڈیو وی۔۔۔۔۔

پہلو آجرٹی : کون ہے وہ؟

دو جو آجرٹی : یہ اوه جھڑ لوکاں ناچھاتے مارے۔

۲۵۔ ملّاں تے آجرٹی

اک ملّاں نا تک کے آجرٹی روں لگو۔

ملّاں : تو روئے کیوں

آجرٹی : تنال دیکھ کے مناں اپنو بکرو یاد آگیو، اسکی داڑھی وی تیرے
ہاروں کھو دی تے لمی وے تھی۔ ایک دن شیراں نال مار گیو یاہ کہہ گے۔
آجرٹی ملّاں کا گانال چمڑ گیو۔

۲۶۔ لومڑی چالاک ہووے

دو جناں کھملیں تھا۔

پہلو جنوں : لومڑی کالی ہووے

دو جو جنوں : نہیں نہیں لومڑی چٹی ہووے

انہاں دوال نا گھلتاں دیکھ کے تجا جناں نے کھبیو۔ تم گھلیں کیوں
تھارے و پے کسے نے لومڑی دیکھی ہی نہیں ۔۔۔

وہ کہن لگونگ کوتے پتو مناں وی نہیں ولومڑی چالاک ہووے۔

۲۷۔ آپی جنانی

مندرو جنوں اچا جنانال پچھے : یرا سنیو تیری جنانی مجھ اپی ہے

آچو جنوں : ہاں اپی ہے

مندرو جنوں : کلتی اک اپی ہے

آچو جنوں : تیرے جھو جنوں اس کا جنوں تک وی نہیں پجھتو۔

۲۸۔ یرا چھوڑ بیچاروا یکلو ہے

جنگل ما شیر آکڑ کے ٹرے تھوڑے

پہلا چوہا نے شیر درا شارو کر کے دوا چوہا نا کھیو : یرا آ۔۔۔ اس نا تھوڑی

گٹ چاڑاں - دوجو چوہا : یرا چھوڑ جان دے، بیچاروا یکلو ہے ہم دو ہاں۔

۲۹۔ خراب سبزی

اک جنانی نے سبزی آلا نا کھیو :

بے سبزی خراب نکلی تے ہوں پکی پکائی پتیلی تیرے کول چالیاں گی۔

سزی آلوکھن لگو : ٹھیک ہے نالے دو ترے روئی وی لے آئیے۔

۳۔ بھلکڑ

جنان نے دو جانا پچھیو : تھار و باپ کس رافت ہو گیو
دو بوجنوں : انهال نا بھل جان کی عادت تھی میر و باپ ایک دن ساہ لینو
ہی بھل گیو۔

۳۱۔ نسلی بیماری

ڈاکٹر : اچھاتے تو شاعر ہے
مریض : جی ہاں میر و باپ وی شاعر تھوتے انکو باپ وی شاعر تھو۔
طبیب : اچھا اسکو مطلب ہے یا ہ بیماری نسل درسل چلی رہی ہے۔

۳۲۔ گنار کو ٹانڈو

بھکھا آدمی نے امیر در پستول تان کے کھیو : دس ہزار کڈ ورنہ مفت ما
مارے جائے گو۔۔۔

امیر نے روپیاں کی دلچی سجا ہتھ و رکھ کے کھیو : پستول مناں دے تے
یہ روپیہ چالے۔

بھکھا آدمی نے روپیہ چاکے گوجہ مابایا تے پستول امیرآدمی کے حوالے
کر چھوڑی۔

امیرآدمی نے چور در پستول تائیں کے کہیو: میرا روپیہ واپس دے،
نہیں تے ہوں گولی مار چھوڑوں گو۔ بھکھو آدمی روپیہ لے نشان نشان کہن لگو
۔۔۔۔۔ پستول ما گولی ہی نہیں: پیو چلاتور ہو۔۔۔۔۔ بھکھو آدمی فرار ہو گیو۔

امیر نے سوچیو چلو پستول ہی بھگتی۔ اتنا ماپا میں آپکی تے امیرآدمی کا
ہتھ ما پستول دیکھا ایک پوس آلانے کہیو۔۔۔۔۔ مجرم سمیت گئی وی پستول بھگتی
۔۔۔۔۔ انہاں نے پستول ضبط کر لی تے امیرآدمی پکڑ لیو۔

۳۳۔ معافی نامو

کسی اسکولیہ بچہ کی دلخی مان نے اسٹادنا لکھیو :

معذرت خواہی تیں بعد: تھاری توجہ اس پاس سے موڑوں جے تم نے میرا
جا تک کو سجھو کن اتنوزور نال چھکنو شروع کر دتو ہے جے وہ کھبائیں تیں تو
ہون لگ گیو ہے۔ اس واسطے گذاش ہے ہے جے کچھ عصواں کو سجھو کن چھکیا
کرو تاجے دوئے برابر ہو جائیں۔

۳۲۔ میراثی تے فوجی

محفل ما موجود میراثی ناکسے نے پچھیسو تیرو کے نال ہے؟

میراثی کہن لگو : میر و نال الو کو پڑھو ہے۔ یاہ سن کے لوگ ہسن لگا۔ ایک

جنوں بولیو : کیا سوہنونال ہے۔

میراثی نے اس ناکہیو : جناب اگر تم ناپسند ہے تم ہی یوہ نال رکھ لیو۔

ہوں اپنو کوئی ہور نال رکھ لیوں گو۔

۳۵۔ کھوتا کی تصویر

بازار ماما اک دکان و رکھوتا کی تصویر دس ہزار مابکے تھی۔ جناں نے

دکان دارنا کہیو : گدھو بخ ہزار کو تے تصویر دس ہزار کی۔ یوہ کے قلم ہے۔

دکاندار نے کہیو : گدھا کی تصویر نادانہ تے گھاہ نہیں کھوا نو پتو۔

جناں نے کہیو : یاہ بھاروے نہیں چاسکتی نالے سواری کے کم وی نہیں

آتی۔۔۔

دکاندار نے کہیو : یاہ لدوی نہیں کرتی نالے اوکھا مازڑھ کے مرتی وی

نہیں۔۔۔ یاہ سن کے جنوں گھسک بیو۔

۳۶۔ خبیث

ایک جوان لڑکا نا جس ویلے لہر چھڑے تھی ہر کسے نا ”خبیث“ کہہ
چھوڑے تھوڑی نے اس کا باپ اگے شکایت کی جے تھارو پوت ہر ایکن نا
خبیث کہے چھوڑے ---

باپ نے پوت بلا یو: داڑو ما کے کہن لگو: سنیو ہے جے تو ہر کسے نا خبیث
کہے۔

لڑکو بولیو، نہیں نہیں آڑھا--- ہوں کسے نا خبیث نہیں کھہتو تم نا کس
خبیث نے میری یاہ شکایت لائی ہے۔

۳۷۔ سکو

پوڑھاتین آدمیوں نے پیک وقت ہاتھ ایک بڈھانے اور کے وہ
چالیو۔ پچھن لگو یوہ کس کو سکو ہے۔ ترے آدمی ایک وقت بول اٹھیا۔ ہر ایک
نے کہیو: یوہ سکو میر و ہے۔

یوہ دیکھ کے بڈھانے کہیو:

منا لگے جے میر وہی سکو ٹھیٹھو ہے۔ اس را بھی چار آنا میرا ہیں یاہ کہہ
کے بڈھانے سکو گوجہ ما گھبیل یو۔

۳۸_دost

ایک جنائی کمپلائ آئی دکان و رآئی تے گھلا گھلا کے کمبل دیکھن لگی۔ اس را اس نے تقریباً سارا کمبل گھلا کے دیکھیا۔ اتنا ماواہ دکان و رآتاک جناں نا دیکھ کے کہن لگی : میں کوئے کمبل لینا تھوڑا تھوڑا ہوں تے بس انتظار کروں تھی تے وقت گزاروں تھی۔۔۔۔۔

یاہُسن کے دکاندار نے باہر نکلتی جنائی ناکھیو : میدم، ایک کمبل کھولنورہ گیو ہے، کے پتو ہے؟ شاید اس کے اندر تھار و کوئے ہو رہ دost وی چھپیو وے۔

۳۹_یقین کی رسی

ہاتھی ناسکھان تے گھر یو بنان آلال پہلاں پہلاں اس نا بڑی بڑی موٹی سنگلاں نال بدھیں وہ کجھ دیہاڑا انہاں نا توڑ کے نس کی کوشش کر تو رہ بلہیں بلہیں اس نا یقین ہو جائے بے یہاں سنگل ٹلن آلیں نہیں۔ فروعے اس نا پتلی رسی نال بدھ چھوڑیں تے ہاتھی اپنی جگہ وروں نہیں بلتو یاہ گل چ ہے بے یقین تے احساس بنتا وقت لگے فریاہ رسی نہیں ٹلتی۔

۳۰۔ جليسوملاں و ليسومقتدى

اک ملاں تے آجڑی نماز پڑھیں تھا۔ نماز پڑھتے ویلے مقتدى سوچے
تحو شنگر ہے بے وضو ہی نماز پڑھن آگیو نہیں تے نماز قضا ہو جاتی۔
ملاں نماز پڑھن کھلو ہو یو جیسی ہی نیت کی، ملاں کو وضو وی ٹھٹ گیو۔
وراس نے نماز شروع کر لی وہ دل ہی دل ما سوچے تھو۔ چلو اج بے وضو ہی
پڑھ لیوں۔ جليسوملاں و ليسومقتدى۔

تمت